

青照堂叢書初編

理學備考  
正編下



07183

青照堂叢書

朝邑

劉振清金 董梓

男維翰宗 校錄

理學備考

正編

李元春陸 重輯

石全潤附 峯泰訂

明

范葉兩先生

何壽朋注與立附

范先生祖幹字景先金華人明史儒林傳祖幹從同  
邑許謙遊得其指要其學以誠意為主而嚴以慎獨  
持守之功太祖下婺州與葉儀並召祖幹持大學以  
進太祖問治道何先對曰不出是書太祖令剖陳其  
義祖幹謂帝王之道自修身齊家以至治國平天下  
必上下四旁均齊方正使萬物各得其所而後可以

青照堂叢書

初編

理學備考正編下

一

言治太祖曰聖人之道所以爲萬世法吾自起兵以  
來號令賞罰一有不平何以服衆夫武定禍亂文致  
太平悉是道也深加禮貌命二人爲諮議祖幹以親  
老辭歸李文忠守處州特加敬禮恒稱之爲師祖幹  
事親孝父母皆八十餘而終家貧不能葬鄉里共爲  
營辦悲哀三年如一日有司以聞命表其所居曰純  
孝坊學者稱爲純孝先生葉儀字景翰金華人受業  
於許謙謙誨之曰學者必以五性人倫爲本以開明  
心術變化氣質爲先儀朝夕惕厲研究奧旨已而授

徒講學士爭趨之其語學者曰聖賢言行盡於六經  
四書其微詞奧義則近代先儒之說備矣由其言以  
求其心涵泳從容久自得之不可先立己意而妄有  
是非也太祖克婺州召見授爲諮議以老病辭已而  
知府王宗顯聘儀及宋濂爲五經師不久亦辭歸隱  
居養親所著有南陽雜藁吳沉稱其理明識精一介  
不苟安貧樂道守死不變門人何壽朋字德齡亦金  
華人窮經守志不妄干人洪武初舉孝廉以二親俱  
老辭父歿舍所居宅易地以葬學者因其自號稱曰  
青照堂叢書

初編

理學備考正編下

二

歸全先生同邑汪與立字師道祖幹門人其德行與  
壽朋齊名而文學爲優隱居教授以高壽終

### 子蘭謝先生

先生名應芳武進人也明史儒林傳應芳自幼篤志  
好學潛心性理以道義名節自勵元至正初隱白鶴  
溪上構小室顏曰龜巢因以爲號郡辟教鄉校子弟  
先質後文諸生皆循循雅飭疾異端惑世嘗輯聖賢  
格言古今明鑒爲辨惑編有舉爲三衢書院山長者  
不就及天下兵起避地吳中吳人爭延致爲弟子師

久之江南底定始來歸年逾七十矣徙居芳茂山一室蕭然晏如也有司徵修郡志強起赴之年益高學行益劭達官縉紳過郡者必訪於其廬應芳布衣韋帶與之抗禮議論必關世教切民隱而導善之志不衰詩文雅麗蘊藉而所自得者理學爲深卒年九十

德一汪先生

先生名克寬祁門人明史儒林傳克寬祖華受業雙峯饒魯得勉齋黃氏之傳克寬十歲時父授以雙峯

青照堂叢書

初編

理學備考正編下

三

問答之書輒有悟乃取四書自定句讀晝夜誦習專勤異凡兒後從父之浮梁問業於吳仲迂志益篤元泰定中舉應鄉試中選會試以答策伉直見黜慨然棄科舉業盡力於經學春秋則以胡安國爲主而博考衆說會萃成書名之曰春秋經傳附錄纂疏易則有程朱傳義音考詩有集傳音義會通禮有禮經補逸綱目有凡例考異四方學士執經門下者甚衆至正間蘄黃兵至室廬貲財盡遭焚掠篋屨空怡然自得洪武初聘至京師同修元史書成將授官固辭

老疾賜銀幣給驛還五年冬卒六十有九

東山趙先生

先生名沆休寧人明史儒林傳沆生而姿稟卓絕初就外傳讀朱子四書多所疑難乃盡取朱子書讀之間九江黃澤有學行往從之游澤之學以精思自悟爲主其教人引而不發沆一再登門乃得六經疑義千餘條以歸已復往留二歲得口授六十四卦大義與學春秋之要後復從臨川虞集游獲聞吳澄之學乃築東山精舍讀書著述其中雞初鳴輒起澄心默

青照堂叢書

初編

理學備考正編下

四

坐由是造詣精深諸經無不通貫而尤邃於春秋初以聞於黃澤者爲春秋師說三卷復廣之爲春秋集傳十五卷因禮記經解有屬辭比事春秋教之語乃復著春秋屬辭八篇又以爲學春秋者必考左傳事實爲先杜預陳傅良有得於此而各有所蔽乃復著左氏補注十卷當是時天下兵起沆轉側干戈間顛沛流離而進修之功不懈太祖旣定天下詔修元史徵沆預其事書成辭歸未幾卒年五十有一學者稱東山先生

一德陳先生

先生名謨泰和人明史儒林傳謨幼能詩文邃於經學旁及子史百家涉流探源辨析純駁犁然要於至當隱居不求仕而究心經世之務嘗謂學必敦本莫加於性莫重於倫莫先於變化氣質若禮樂刑政錢穀甲兵度數之詳亦不可不講習一時經生學子多從之游事親孝友於其弟鄉人有爲不善者不敢使聞洪武初徵詣京師賜坐議學學士宋濂待制王禕請留爲國學師謨引疾辭屢應聘爲江澗考試官

青照堂叢書

初編 理學備考正編下

五

著書教授以終

正學方先生

盧原質諸人附

先生名孝孺字希直一字希古寧海人明史列傳孝孺父克勤洪武中循吏自有傳孝孺幼警敏雙眸炯炯讀書日盈寸鄉人目爲小韓子長從宋濂學濂門下知名士皆出其下先輩胡翰蘇伯衡亦自謂弗如孝孺顧未視文藝恒以明王道致太平爲己任嘗臥病絕糧家人以告笑曰古人三旬九食貧豈獨我哉父克勤坐空印事誅扶喪歸葬哀動行路旣免喪復

石全潤曰正  
學之齊先生  
不愧

從濂卒業洪武十五年以吳沉揭樞薦召見太祖見  
其舉止端整謂皇太子曰此莊士當老其才禮遣還  
後爲仇家所連逮至京太祖見其名釋之二十五年  
又以薦召至太祖曰今非用孝孺時除漢中教授日  
與諸生講學不倦蜀獻王聞其賢聘爲世子師每見  
陳說道德王尊以殊禮名其讀書之廬曰正學及惠  
帝卽位召爲翰林侍講明年遷侍講學士國家大政  
事輒咨之帝好讀書每有疑卽召使講解臨朝奏事  
臣僚面議可否或命孝孺就辰前批答時脩太祖實  
錄及類要諸書孝孺皆爲總裁更定官制孝孺改文  
學博士燕兵起廷議討之詔檄皆出其手建文三年  
燕兵掠大名王聞齊黃巳窺上書請罷盛庸吳傑平  
安兵孝孺建議曰燕兵久頓大名天暑雨當不戰自  
疲急令遼東諸將入山海關攻永平眞定諸將渡盧  
溝搗北平彼必歸救我以大兵躡其後可成擒也今  
其奏事適至宜且與報書往返踰月使其將士心懈  
我謀定勢合進而蹴之不難矣帝以爲然命孝孺草  
詔遣大理寺少卿薛嵒馳報燕盡赦燕罪使罷兵歸

青照堂叢書

初編

理學備考正編下  
六

藩又爲宣諭數千言授帛持至燕軍中密散諸將士  
比至崑匿宣諭不敢出燕王亦不奉詔五月吳傑平  
安盛庸發兵擾燕餉道燕王復遣指揮武勝上書伸  
前請帝將許之孝孺曰兵罷不可復聚願毋爲所惑  
帝乃誅勝以絕燕未幾燕兵掠沛縣燒糧艘時河北  
師老無功而德州又饋餉道絕孝孺深以爲憂以燕  
世子仁厚其弟高煦狡譎有寵於燕王嘗欲奪嫡謀  
以謀間之使內亂乃建議曰帝遣錦衣衛千戶張安  
齎璽書往北平賜世子世子得書不啟封并安送燕  
齊璽書往北平賜世子世子得書不啟封并安送燕

青照堂叢書

初編

理學備考正編下

七

軍前間不得行明年五月燕兵至江北帝下詔徵四  
方兵孝孺曰事急矣遣人許以割地稽延數日東南  
募兵漸集北軍不長舟楫決戰江上勝負未可知也  
帝遣慶成郡主往燕軍陳其說燕王不聽帝命諸將  
集舟師江上而陳瑄以戰艦降燕燕兵遂渡江時六  
月乙卯也帝憂懼或勸帝幸圖興復孝孺力請守  
京城以待援兵卽事不濟當死社稷乙丑金川門啟  
燕兵入帝自焚是日孝孺被執下獄先是成祖發北  
平姚廣孝以孝孺爲託曰城下之日彼必不降幸勿



殺之殺孝孺天下讀書種子絕矣成祖領之至是欲使草詔召至悲慟聲徹殿陛成祖降榻勞曰先生毋自苦予欲法周公輔成王耳孝孺曰成王安在成祖曰彼自焚死孝孺曰何不立成王之子成祖曰國賴長君孝孺曰何不立成王之弟成祖曰此朕家事顧左右授筆札曰詔天下非先生草不可孝孺投筆於地且哭且罵曰死即死耳詔不可草成祖怒命磔諸市孝孺慨然就死作絕命詞曰天降亂離兮孰知其由奸臣得計兮謀國非猶忠臣發憤兮血淚交流以

青照堂叢書

初編

理學備考正編下八

此殉君兮抑又何求嗚呼哀哉兮庶不我尤時年四十有六其門人德慶侯廖永忠之孫鏞與其弟銘檢遺骸瘞聚寶門外山上孝孺有兄孝聞力學篤行先孝孺死弟孝友與孝孺同就戮亦賦詩一章而死妻鄭及二子中憲中愈先自經死二女投秦淮河死孝孺工文章醇深雄邁每一篇出海內爭相傳誦末樂中藏孝孺文者罪至死門人王稔潛錄爲侯城集故後得行於世仁宗卽位諭禮部建文諸臣已蒙顯戮家屬籍在官者悉宥爲民還其田土其外親戍邊者

留一人戍所餘放還萬歷十三年三月釋坐孝孺謫  
戍者後裔浙江江西福建四川廣東凡千三百餘人  
而孝孺絕無後惟克勤弟克家有子曰孝復洪武二  
十五年嘗上書闕下請減信國公湯和所加寧海賦  
謫戍慶遠衛以軍籍獲免孝復子琬後亦得釋爲民  
世宗時松江人俞斌自稱孝孺後一時士大夫信之  
爲纂歸宗錄旣而方氏察其僞言於官乃已神宗初  
有詔褒錄建文忠臣建表忠祠於南京首徐輝祖次  
孝孺云孝孺之死宗族親友前後坐誅者數百人其  
青照堂叢書

初編 理學備考 正編下 九

門下士有以身殉者盧原質鄭公智林嘉猷皆寧海  
人原質字希魯孝孺弟子也由進士授編修歷官太  
常少卿建文時屢有建白燕兵至不屈與弟原朴等  
皆被殺公智字叔貞嘉猷名昇以字行皆師事孝孺  
孝孺嘗曰匡我者二子也公智以賢良舉爲御史有  
聲嘉猷洪武丙子以儒士校文四川建文初入史館  
爲編修尋遷陝西僉事嘗以事入燕邸知高煦謀傾  
世子狀孝孺聞燕之謀實嘉猷發之胡子昭字仲常  
初名志高樂縣人孝孺爲漢中教授時往從學蜀獻

王薦爲縣訓導建文初與修太祖實錄授檢討累遷  
至刑部侍郎鄭居貞閩人與孝孺友善以明經歷官  
鞏昌通判河南參政所至有善績孝孺教授漢中居  
貞作鳳雛行勗之諸人皆坐黨誅死孝孺至應天鄉  
試所得士有長洲劉政桐城方法政字仲理燕兵起  
草平燕策將上之以病爲家人所沮及聞孝孺死遂  
嘔血卒法字伯通官四川都司斷事諸司表賀成祖  
登極當署名不肯投筆出被逮次望江瞻拜鄉里曰  
得望我先人廬舍足矣自沉於江成祖旣殺孝孺以  
青照堂叢書

初編 理學備考正編下  
十

草詔屬侍讀樓璉璉金華人嘗從宋濂學承命不敢  
辭歸語妻子曰我固甘死正恐累汝輩耳其夕遂自  
經或曰草詔乃括蒼王景或曰無錫王達云

月川曹先生

先生名端字正夫澠池人明史儒林傳端永樂六年  
舉人五歲見河圖洛書卽畫地以質之父及長專心  
性理其學務躬行實踐而以靜存爲要讀宋儒太極  
圖通書西銘歎曰道在是矣篤志研究坐下著足處  
兩屨皆穿事父母至孝父初好釋氏端爲夜行燭一

書進之謂佛氏以空爲性非天命之性老氏以虛爲道非率性之道父欣然從之繼遭二親喪五味不入口旣葬廬墓六年端初讀謝應芳辨惑編篤好之一切浮屠巫覡風水時日之說屏不用上書邑宰毀淫祠百餘爲設里社里穀壇使民祈報年荒勸振存活甚衆爲霍州學正修明聖學諸生服從其教郡人皆化之恥爭訟知府郭晟問爲政端曰其公廉乎公則民不敢謾廉則吏不敢欺晟拜受遭艱歸澠池霍諸生多就墓次受學服闋改蒲州學正霍蒲兩邑各上青照堂叢書

初編 理學備考 正編下

十一

章爭之霍奏先得請先後在霍十六載宣德九年卒官年五十九諸生服心喪三年霍人罷市巷哭童子皆流涕貧不能歸葬遂留葬霍二子瑜琛亦廬端墓相繼死葬墓側後改葬澠池端嘗言學欲至乎聖人之道須從太極上立根脚又曰爲人須從志士勇士不忘上參取又曰孔顏之樂仁也孔子安仁而樂在其中顏淵不違仁而不改其樂程子令人自得之又曰天下無性外之物而性無不在焉性卽理也理之別名曰太極曰至誠曰至善曰大德曰大中名不同

而道則一初伊洛諸儒自明道伊川後劉絢李籲輩  
身及二程之門至河南許衡洛陽姚樞講道蘇門北  
方之學者翕然宗之洎明興三十餘載而端起崑滬  
間倡明絕學論者推爲明初理學之冠所著有孝經  
述解四書詳說周易乾坤二卦解義太極圖說通書  
西銘釋文性理文集儒學宗統譜存疑錄諸書霍州  
李德與端同時亦講學於其鄉及見端退語諸生曰  
學不厭教不倦曹子之盛德也至其知古今達事變  
末學鮮或及之古云得經師易得人師難諸生得人  
青照堂叢書

初編 理學備考 正編下 十三

宋南日月川  
屬請從祀不  
果時未至也

師矣遂避席去端亦高其行誼命諸生延致之講明  
正學初端作川月交映圖擬太極學者稱月川先生  
及歿私謚靜修正德中尚書彭澤河南巡撫李楨請  
從祀孔子廟庭不果

崇觀劉先生

先生名觀吉水人明史儒林傳觀正統四年成進士  
方年少忽引疾告歸尋丁內艱服除終不出杜門讀  
書求聖賢之學四方來問道者坐席嘗不給縣令劉  
成爲築書院於虎邱山名曰養中平居飯脫粟服澣

衣儵然自得每日端坐一室無懈容或勸之仕不應  
又作勤儉恭恕四箴以教其家取呂氏鄉約表著之  
以教其鄉冠婚喪祭悉如朱子家族有孤嫠不能自  
存者周之或請著述曰朱子及吳文正之言尊信之  
足矣復何言吳與弼其鄰郡人也極推重之觀前有  
孫鼎廬陵人求樂中爲松江府教授以孝弟立教後  
督學南畿人稱爲貞孝先生又有李中吉水人官副  
都御史號谷平先生在觀後是爲吉水三先生

晦德陳先生

青照堂叢書

初編

理學備考正編下  
十三

先生名真晟漳州鎮海衛人明史儒林傳真晟初治  
舉赴鄉試聞有司防察過嚴無待士禮恥之棄去由  
是篤志聖賢之學讀大學或問見朱子重言主敬知  
敬爲大學始基又得程子主一之說專心克治歎曰  
大學誠意爲鐵門關主一二字乃其玉鑰匙也天順  
二年詣闕上程朱正學纂要其書首取程氏學制次  
采來子論說次作二圖一著聖人心與天地同運一  
著學者之心法天之運終言立明師輔皇儲隆教本  
數事以畢圖說之意書奏下禮部議侍郎鄒幹寢其

事真晟歸聞臨川吳與弼方講學欲就問之過南昌  
張元禎止之宿與語大推服曰斯道自程朱以來惟  
先生得其真如康齋者不可見亦不必見也遂歸闔  
潛思靜坐自號漳南布衣卒於成化十年年六十四  
真晟學無師承獨得於遺經之中自以僻處海濱出  
而訪求當世學者雖未與與弼相證要其學頗似近  
之

王維戍曰晦  
德自是程朱  
之學

克菴陳先生

先生名選字士賢臨海人明史列傳選父員韜宣德

書照堂叢書

初編

理學備考正編下  
四

五年進士爲御史出按四川黜貪獎廉雪死囚四十  
餘人正統末大軍征鄧茂七往撫其民釋被誣爲賊  
者千餘家都指揮蔣貴要所部賄都督范雄病不能  
治軍皆劾罷之歷廣東右參政福建右布政使廣東  
值黃蕭養亂後而福建亦寇盜甫息員韜所至拊循  
教養得士民心選自幼端慤寡言笑以聖賢自期天  
順四年會試第一成進士授御史巡按江西盡黜貪  
殘吏時人語曰前有韓雍後有陳選廣寇流入贛州  
奏聞不待報遣兵平之憲宗卽位嘗劾尚書馬昂侍

來翰曰瀚讀  
先生小學注  
簡而明惜今  
幼學未及讀

郎吳復鴻臚卿齊政救修撰羅倫學士倪謙錢溥言  
雖不盡行一時憚其風采已督學南畿頒冠婚祭射  
儀於學宮令諸生以時肄之作小學集註以教諸生  
按部常止宿學宮夜巡兩廡察諸生誦讀除試牘糊  
名之陋曰已不自信何以信於人成化六年遷河南  
副使尋改督學政立教如南畿汪直出巡都御史以  
下皆拜謁選獨長揖直問何官選曰提學副使直曰  
大於都御史耶選曰提學何可比都御史但忝人師  
不敢自詘辱選詞氣嚴正而諸生亦羣集署外直氣  
青照堂叢書  
初編 理學備考正編 五

懾好語遣之久之進按察使決遣輕繫數百人重囚  
多所平反囹圄爲空治尚簡易獨於贓吏無所假然  
受賂百金以上者坐六七鑊而止或問之曰奸人情  
財亦惜命若盡挈所賂以貨要人卽法撻矣歷廣東  
左右布政使肇慶大水不待報輒發粟振之二十一  
年詔減省貢獻而市舶中官韋眷奏乞均徭戶六十  
人添辦方物選持詔書爭帝命與其半眷由是怒選  
番人馬力麻詭稱蘇門答刺使臣欲入貢私市易眷  
利其厚賄將許之選立逐之去撒馬兒罕使者自甘



肅貢獅子將取道廣東浮海歸云缺在滿喇加更市  
以進選疏言不可許恐遺笑外番輕中國帝納其言  
而眷憾選甚先是番禺知縣高瑤沒眷通番資鉅萬  
選移檄獎之且聞於朝至是眷誣奏選瑤朋比爲貪  
墨詔遣刑部員外郎李行會巡按御史徐同愛訊之  
選有所黜吏張襲眷意其怨選引令誣証選襲堅不  
從執襲拷掠無異辭行同愛畏眷竟坐選如眷奏與  
瑤俱被徵士民數萬號泣遮留使者辟除乃得出至  
南昌病作行阻其醫藥竟卒年五十八編修張元禎  
青照堂叢書

初編

理學備考

正編下

十六

爲選治喪殮之襲聞選死哀悼乃上書曰臣聞口能  
鑠金毀足銷骨竊見故罪人選抱孤忠子處羣邪之  
中獨立衆憎之地太監眷通番敗露知縣瑤按法治  
之選移文獎厲以激貪懦固賢監司事也都御史宋  
旻及同愛怯勢養奸致眷橫行胸臆穢清流勘官  
行頤指煅煉竟無左証臣本小吏註誤觸法被選黜  
罷寶臣自取眷意臣憾選厚賂噉臣臣雖胥役敢昧  
素心眷知臣不可誘嫉行等逮臣致理拷掠彌月臣  
忍死籲天終無異口行等乃依傍眷語文致其詞劾

選勘災不實擅便發倉曲庇屬官意圖報謝必如所  
云是毀共姜爲夏姬詭伯夷爲莊躄也頃年嶺外地  
震水溢漂民廬舍屬郡交牒報災老弱引領待哺而  
撫按藩臬若罔聞知選獨抱隱憂食不下咽謂展轉  
行勘則民命垂絕所以便宜議振志在救民非有他  
也選故剛正不堪屈辱憤懣旬日嬰疾而殞行幸其  
殞身阻其醫療訖命之日密走報眷小人佞毒一至  
於此臣擯黜罪人秉耒田野百無所圖誠痛忠良銜  
屈而爲聖朝累也不報員韜父子皆持操甚潔而員  
韜量能容物選務克己因自號克菴遇物亦稍峻人  
謂員韜德性四時皆備選得其秋焉嘗割田百四十  
畝贍其族人暨卒族人以選子戴貧還之戴不可而  
止宏治初主事林沂疏雪選寃詔復官禮葬正德中  
追贈光祿卿諡忠愍按先生註小學是大有功於聖  
學者

容思段先生

先生名堅字可久蘭州人初號栢軒後更號容思義  
取九容九思也學者稱容思先生生而剛方穎異讀

青照堂叢書

初編

理學備考

正編下

十七

書卽知正學年十四爲郡諸生見緱山陳先生書銘  
于明倫堂有羣居慎口獨坐防心之語酷愛而敬誦  
之遂慨然以爲聖賢可學而至年十七王父歿自其  
父治喪不用浮屠法凡當世宿儒宦游於蘭者無不  
師之于經史蘊奧性命精微不究其極不止也動作  
不苟人以伊川儼之正統甲子領鄉薦明年下第歸  
鄉之士大夫多遣子弟就學先生以師道自尊教法  
嚴而造就有等士類興起已巳英廟北狩應詔詣闕  
上書不報乃裹糧買舟南游由齊魯淮楚以至吳越  
青照堂叢書

初編

理學備考正編下

六

訪求同志之士相與講切得閩子與白良輔輩定交  
焉逾年始歸學益有得景泰甲戌登進士以文名差  
纂山西誌明年誌成復命尋移疾歸讀書于五泉小  
圃依岩作洞以爲會友講習之所有得卽形於詩有  
云風清雲淨雨初晴南畝東阡策杖行幽鳥似知行  
樂意綠楊烟外兩三聲論者謂宛然有浴沂氣象越  
五年爲天順己卯選山東福山知縣福山故僻邑先  
生以德化民刊布小學諸書令邑人誦誦復以詩歌  
興之必欲變其風俗或謂其迂闊不能行先生獨謂

天下無不可化之人無不可變之俗嘗有詩曰天下  
有材皆可用世間無草不從風始終不少懈由是陋  
俗丕變海邦島嶼颯颯乎有絃誦風旣六載以李文  
達公薦超擢知萊州府廼先生與文達公竟未面也  
先生治萊如治福山時召郡縣官師與燕俾言志咏  
歌以申政教末期月萊人大化以憂去旣禫不遽北  
上乃訪周廷芳于秦州訪張立夫于鳳翔講學求友  
孜孜不暇其于功名利達澹如也久之復補南陽在  
南陽慨近世學者以讀書媒利祿階富貴士鈔知聖  
青照堂叢書

初編

理學備考正編下  
十九

賢之學乃倡明周程張朱與古人爲學之意建志學  
書院聚郡庠及屬治諸生親授講說又以民俗之偷  
由未預教乃遴屬治童蒙授以小學孝經文公家禮  
教民俗言諸書俾之講習又創刻二程全書胡致堂  
崇正辨諸書俟盈科者給授士習翕然改觀又創節  
義祠祀古聖母烈女以風勵郡俗尤嚴逆巫尼不使  
假左道傷風化會有女縷而自經以殉夫死者先生  
率僚屬師生往吊爲具棺斂卜地合葬已又奏表其  
閭由是郡人雖婦人女子皆爲感化先生爲政持大

體重風教不急功利不規規于簿書不以毀譽得失  
動其心凡屬吏不法者卽案問不少貸民或良或奸  
相宜訓治與民休息在南陽八年郡人戴之如父母  
其敬畏之至若家有一段太守者治行爲天下第一  
以直道不能諧時遂致政歸乃結廬蘭山之麓扁曰  
南村曰東園取淵明詩昔欲居南村及青松在東園  
意授徒講業相羊陰詠以自樂然于時政闕失民情  
困苦則又未嘗不憂形於色成化甲辰卒年六十有  
六門人私諡曰文毅先生性素孝友治父母喪一遵

青照堂叢書

初編

理學備考正編下

三十

古禮事兄椿曲盡弟道居家嚴內治崇禮教凜然爲  
鄉邦典刑與人尤篤于分義友人唐知縣廷器貧甚  
其歿也爲具棺斂以終襄事并志其墓方伯石公某  
曾孫以貧鬻于人乃垂涕捐貲贖還俾主其祀業師  
周公麟歿爲撫其後每至其家坐必避席焉先生雖  
未居言路而屢有建白如請修龍逢比干祠墓請從  
祀元儒劉因請旌表孝行節義請開言路諸封事皆  
鑿鑿有關國體補風化蓋先生之學近宗程朱遠邈  
孔孟而其功一本于敬嘗言學者主敬以致知格物

知吾之心卽天地之心吾心之理卽天地之理吾身  
可以叅天地贊化育者在于此必以命世大儒自期  
而不可自暴自棄以常人自居有負爲人之名所至  
從游者衆多所成立如同郡董學諭芳羅僉憲睿彭  
少保澤孫孝廉芳秦州周布衣蕙山西董僉憲齡福  
山張同知璣南陽柴尚書昇王文莊鴻儒熊少叅紀  
張孝廉景純皆門墻尤著者郡人陳祥贊云距釋排  
聃吾道是遵士趨歸正鄉俗以淳繼往開來遠探濂  
洛文清之統惟公是廓彭澤撰墓碑云先儒謂道自

青照堂叢書

初編

理學備考正編下

三

堯舜以來至孟子沒失其傳焉匪道不傳學者託之  
言語文字而無深造力踐之功也至宋周程三夫子  
出至晦庵朱先生始極至敬致知力行之功上繼孔  
孟之統元魯齋許文正公我明敬軒薛文清公以篤  
實輝光之學繼其絕此固萬世之公議也若我南陽  
太守容思先生段公其克尊信斯道而致深造力踐  
之學者歟論者以爲知言所著有容思集栢軒語錄

行世

小泉周先生

薛敬之李錦諸人附

先生名蕙字廷芳秦州人明史儒林傳蕙爲臨洮衛卒戍蘭州年二十聽人講大學首章惕然感動遂讀書州人段堅薛瑄門人也時方講學於里蕙往聽之與辨析堅大服誨以聖學蕙乃研究五經又從學安邑李景景亦瑄門人也由舉人官清水教諭學使者歎其賢薦景代已命未下而卒蕙從之久學益邃恭順侯吳瑾鎮陝西欲聘爲子師固辭不赴或問之蕙曰吾軍士也召役則可若以爲師師豈可召哉瑾躬送二子於其家蕙始納贄焉後還居秦州之小泉幅

青照堂叢書

初編

理學備考

正編下

三

巾深衣動必由禮州人多化之稱爲小泉先生以父久遊江南不返渡揚子江求父舟覆溺死蕙門人著者薛敬之李錦王爵夏尚樸敬之字顯思渭南人五歲好讀書不逐羣兒戲長從蕙游雞鳴侯門啟輒灑掃設座跪而請教嘗語人曰周先生躬行孝弟學近伊洛吾以爲師陝州陳雲達忠信狷介事必持敬吾以爲友憲宗初以歲貢生入國學與同舍陳獻章並有盛名會父母相繼歿號哭徒行大雪中遂成足疾母嗜韭終身不食韭成化末選應州知州課績爲天

下第一宏治九年遷金華同知居二年致仕卒年七十四所著有道學基統洙泗言學錄爾雅便音思菴瑩錄諸書思菴者敬之自號也其門人呂柟最著自有傳錦字名中咸寧人舉天順六年鄉試入國學爲祭酒邢讓所知讓坐事下吏錦率衆抗章白其非辜幼喪父事母色養執喪盡禮不作浮屠法巡撫余子俊欲延爲子師錦以齊衰不入公門固辭所居僅蔽風雨布衣糲食義不妄取成化中選松江同知卒官爵字錫之秦州人宏治初由國學生授保安州判官

青照堂叢書

初編

理學備考正編下

三五

有平允聲其教門人也務以誠敬爲本

一峯羅先生

涂棊附

先生名倫字彝正吉安永豐人明史列傳倫五歲嘗隨母入園果落衆競取倫獨賜而後受家貧樵牧挾書誦不輟及爲諸生志聖賢學嘗曰舉業非能壞人自壞之耳知府張瑄憫其貧周之粟謝不受居父母喪踰大祥始食鹽酪成化二年廷試對策萬餘言直斥時弊名震都下擢進士第一授翰林修撰踰二月大學士李賢奔喪畢奉詔還朝倫詣賢沮之不聽



乃上疏曰臣聞朝廷援楊溥故事起復大學士李賢  
臣竊謂賢大臣起復大事綱常風化繫焉不可不慎  
曩陛下制策有曰朕夙夜拳拳欲正大綱舉萬目使  
人倫明於上風俗厚於下竊謂明人倫厚風俗莫先  
於孝在禮子有父母之喪君三年不呼其門子夏問  
三年之喪金革無避禮與孔子曰魯公伯禽有爲爲  
之也今以三年之喪從其利者吾弗知也陛下於賢  
以爲金革之事起復之與則未之有也以大臣起復  
之與則禮所未見也夫爲人君當舉先王之禮教其  
青照堂叢書  
初編 理學備考 正編下  
臣爲人臣當守先王之禮事其君昔宋仁宗嘗起復  
富弼矣弼辭曰不敢遵故事以遂前代之非但當據  
禮經以行今日之是仁宗卒從其請孝宗嘗起復劉  
珙矣珙辭曰身在草土之中國無門庭之寇難冒金  
革之名私竊利祿之實孝宗不抑其情此二君者未  
嘗以故事強其臣二臣者未嘗以故事徇其君故史  
冊書之爲盛事士大夫傳之爲美談無他君能教臣  
以孝臣有孝可移於君也自是而後無復禮義王黼  
史嵩之陳宜中賈似道之徒皆援故事起復然天下

石全潤曰此  
疏可爲千古  
起復之盛

壞亂社稷傾危流禍當時遺譏後代無他君不教臣以孝臣無孝可移於君也陛下必欲賢身任天下之事則賢身不可留口實可言宜降溫詔俾如劉琪得以言事使賢於天下之事知必言言必盡陛下於賢之言聞必行行必力賢雖不起復猶起復也苟知之而不能盡言言之而不能力行賢雖起復無益也且陛下無謂朝堂無賢臣庶官無賢士君孟也臣水也水之方圓孟實王之臣之直佞君實召之陛下誠於退朝之暇親直諒博洽之臣講聖學君德之要詢政

青照堂叢書

初編

理學備考正編下

五

事得失察民生利病訪人才賢否考古今盛衰舍獨信之偏見納逆耳之苦言則衆賢羣策畢萃於朝又何待違先王之禮經損大臣之名節然後天下可治哉臣伏見比年以來朝廷以奪情爲常典縉紳以起復爲美名食稻衣錦之徒接踵廟堂不知此人於天下之重何關耶且婦於舅姑喪亦三年孫於祖父母服則齊衰奪情於夫初無預其妻奪情於父初無干其子今或舍館如故妻孥不還乃號於天下曰本欲終喪朝命不許雖三尺童子臣知其不信也爲人父

者所以望其子之報豈擬至於此哉爲人子者所以報其親之心豈忍至於此哉枉已者不能直人忘親者不能忠君陛下何取於若人而起復之也今大臣起復羣臣不以爲非且從而贊之羣臣起復大臣不以爲非且從而成之上下成俗混然同流率天下之人爲無父之歸臣不忍聖明之朝致綱常之壞風俗之弊一至此極也願陛下斷自聖衷許賢歸家持服其他已起復者仍令奔喪未起復者悉許終制脫有金革之變亦從墨衰之權使任軍事於外盡心喪於

青照堂叢書

初編

理學備考正編下

三

內將朝廷端則天下一大臣法則羣臣效人倫由是明風俗由是厚矣疏入謫福建市舶司副提舉御史陳選疏救不報御史楊琅復申救帝切責之尚書王翱以文彥博救唐介事諷賢賢曰潞公市恩歸怨朝廷吾不可以效之亡何賢卒明年以學士商輅言召復原職改南京居二年引疾歸遂不復出倫爲人剛正嚴於律已義所在毅然必爲於富貴名利泊如也里居倡行鄉約相率無敢犯衣食粗惡或遺之衣見道殮解以覆之晨留客飲妻子貸粟鄰家及午方炊

不爲意以金牛山人跡不至築室著書其中四方從  
學者甚衆十四年卒年四十八嘉靖初從御史唐龍  
請追贈左春坊諭德諡文毅學者稱一峰先生方倫  
爲提舉時御史豐城涂棐巡按福建司禮中官黃賜  
延平人也請見棐不可泉州知府李宗學以受賂爲  
棐所按許棐自解賜從中主其奏棐宗學俱被徵詞  
連倫當并逮鎮撫司某曰羅先生可至此乎卽日鞠  
成上之倫得免棐亦復官棐天順四年進士成化中  
嘗言祖宗朝政事必與大臣面議自先帝幼冲未能  
書照堂叢書

初編

理學備考 正編下

三

裁決柄國者慮其缺遺假簡易之辭以便宣布凡視  
朝奏事諭旨輒曰所司知之此一時權宜非可循爲  
定制况批答多參以中官內閣或不與尤乖祖制乞  
復面議杜蔽壅之弊憲宗不能用終廣東副使

文懿章先生

從子以道附

先生名懋字德懋蘭谿人明史列傳懋成化二年會  
試第一成進士改庶吉士明年冬授編修憲宗將以  
元夕張燈命詞臣撰詩詞進奉懋與同官黃仲昭檢  
討莊景疏諫曰頃諭臣等撰鰲山煙火詩詞臣等竊

議此必非陛下本懷或以兩宮聖母在上欲備極孝  
養奉其歡心耳然大孝在乎養志不可徒陳耳目之  
玩以爲養也今川東未靖遼左多虞江西湖廣赤地  
數千里萬姓嗷嗷張口待哺此正陛下宵旰焦勞兩  
宮母后同憂天下之日至翰林官以論思爲職鄙俚  
之言豈宜進於君上伏讀宣宗皇帝御製翰林箴有  
曰啓沃之言唯義與仁堯舜之道鄒魯以陳張燈豈  
堯舜之道詩詞豈仁義之言若謂煙火細故不足爲  
聖德累則舜何必不造漆器禹何必不嗜旨酒漢文  
何必不作露臺古帝王慎小謹微必矜細行者正以  
欲不可縱漸不可長也伏乞將煙火停止移此視聽  
以明目達聰省此貲財以振饑恤困則災祲可銷太  
平可致帝以元夕張燈祖宗故事惡懋等妄言竝杖  
之闕下左遷其官修撰羅倫先以言事被黜時稱翰  
林四諫懋旣貶臨武知縣未行以給事中毛宏等論  
救改南京大理左評事踰三年遷福建僉事平泰寧  
沙尤賊聽福安民採礦以杜盜源建議番貨互通貿  
易以裕商民政績甚著滿考入都年止四十一力求

青居堂叢書

初編

理學備考正編下

三六

致仕吏部尚書尹旻固留之不可旣歸屏跡不入城  
府奉親之暇專以讀書講學爲事弟子執經者日益  
進貧無供具惟脫粟菜羹而已四方學士大夫高其  
風稱爲楓山先生家居二十餘年中外交薦部檄屢  
起之以親老堅不赴宏治中孝宗登用羣賢衆議兩  
京國學當用名儒起謝鐸於北監及南監缺祭酒遂  
以懋補之懋方遭父憂不就時南監缺司業且二十  
年詔特以羅欽順爲之而虛位以待懋十六年服闋  
懋復固辭不允始涖任六館士人人自以爲得師監

青照堂叢書

初編

理學備考正編下

无

生尤樾母病例不得歸省晝夜泣懋遣之歸曰吾寧  
以違制獲罪武宗立陳勤聖學隆繼述謹大婚重詔  
令敬天戒五事正德元年乞休五疏不允復引疾懇  
辭明年三月始得請五年起南京太常卿明年又起  
爲南京禮部右侍郎皆力辭不就言者屢陳懋德望  
請加優禮詔有司歲時存問世宗嗣位卽家進南京  
禮部尚書致仕其冬遣行人存問而懋已卒年八十  
六贈太子少保謚文懿懋爲學恪守先儒訓或諷爲  
文章曰小技耳子弗暇有勸以著述者曰先儒之言

誦之須知其  
人不可忘也

至矣芟其繁可也通籍五十餘年歷俸僅滿三考難  
進易退世皆高之生三子兼令業農縣令過之諸子  
釋耒跪迎人不知其貴公子也子省懋於南監徒步  
往道爲巡檢所笞已知而請罪懋慰遣之晚年三子  
一孫盡死年八十二生少子接後以廩爲國子生從  
子拯字以道幼從懋學登宏治十五年進士爲刑部  
主事正德初忤劉瑾下詔獄謫梧州府通判瑾誅擢  
南京兵部郎中嘉靖中累官工部尚書桂萼欲復海  
運延公卿議得失拯曰海運雖有故事而風濤百倍  
青照堂叢書

初編

理學備考正編下

三

於河且天津海口多淤自古不聞有濬海者議遂寢  
南北郊議起拯言不可失帝意尋坐郊壇祭器缺供  
落職歸久之復官致仕卒

未軒黃先生

先生字仲昭名潛以字行莆田人明史列傳潛祖壽  
生翰林檢討有學行父嘉束鹿知縣以善政聞仲昭  
性端謹年十五六卽有志正學登成化二年進士改  
庶吉士授編修與章懋莊景同以直諫被杖謫湘潭  
知縣在道用諫官言改南京大理評事兩京諸司隸

卒率放還而取其月錢爲故事惟仲昭與羅倫不取御史縱子弟取賂刑部曲爲地仲昭駁正之有羣掠民婦轉鬻者部坐首惡一人仲昭請皆坐連遭父母喪不離苫塊者四年服除以親不逮養遂不出宏治改元御史姜洪疏薦吏部尙書王恕檄有司敦趣比至恕迓之大門外揖讓升堂相向再拜世兩高之除江西提學僉事誨士以正學久之再疏乞休日事著述學者稱未軒先生卒年七十四仲昭兄深御史深子乾亨行人使滿刺加歿於海乾亨子如金廣西提青照堂叢書

初編

理學備考正編下

三

學副使希雍蘇州同知仲昭孫懋南京戶部侍郎  
定山莊先生

先生名景字孔暘江浦人明史列傳景自幼豪邁不羣嗜古博學舉成化二年進士改庶吉士授翰林檢討與編修章懋黃仲昭疏諫內廷張燈忤旨廷杖二十謫桂陽州判官尋以言官論救改南京行人司副居三年母憂去繼丁父憂哀毀喪除不復出卜居定山二十餘年學者稱定山先生巡撫王恕嘗欲葺其廬辭之景生平不尚著述有自得輒見之於詩薦章



全潤曰范微  
君極推定山  
之學

十餘上部檄屢趣俱不赴大學士邱濬素惡景語人  
曰率天下士背朝廷者景也宏治七年有薦景者奉  
詔起用景念瘡當國不出且得罪強起入都大學士  
徐溥語郎中邵寶曰定山故翰林復之瘡聞曰我不  
識所謂定山也乃復以爲行人司副俄遷南京吏部  
郎中得風疾明年乞身歸部臣不爲奏又明年京察  
尚書倪岳以老疾罷之居二年卒年六十三天啓初  
追諡文節

國賢節先生

門人王問父子附

青照堂叢書

初編

理學備考正編下

三

先生名寶無錫人明史儒林傳寶年十九學於江浦  
莊景成化二十年舉進士授許州知州月朔會諸生  
於學宮講明義利公私之辨正頴考叔祠墓改魏文  
帝廟以祠漢愍帝不稱獻而稱愍從昭烈所諡也巫  
言龍骨出地中爲禍福寶取骨毀於庭杖巫而遣之  
躬課農桑倣朱子社倉立積散法行計口澆田法以  
備凶荒宏治七年入爲戶部員外郎歷郎中遷江西  
提學副使釋菜周元公祠修白鹿書院學舍處學者  
其教以致知力行爲本江西俗好陰陽家言有數十

年不葬父母者寶下令士不葬親者不得與試於是相率舉葬以千計寧王宸濠索詩文峻却之後宸濠敗有司校勘獨無寶跡遷浙江按察使再遷右布政使與鎮守太監勘處州銀礦寶曰費多獲少勞民傷財慮生他變卒奏寢其事進湖廣布政使正德四年擢右副都御史總督漕運劉瑾擅政寶至京絕不與通瑾怒漕帥平江伯陳熊欲使寶劾之遣校尉數輩要寶左順門危言恐之曰行逮汝張綵曹元自內出語寶曰君第劾平江無後患矣寶曰平江功臣後督漕未久無大過不知所劾二人默然出越三日給事中劾熊併及寶勒致仕去瑾誅起巡撫貴州尋遷戶部右侍郎進左侍郎命兼左僉都御史處置糧運及會勘通州城濠歸奏稱旨尋疏請終養歸御史唐鳳儀葉忠請用之留都便養乃拜南京禮部尙書再疏辭免世宗卽位起前官復以母老懇辭許之命有司以禮存問久之卒贈太子太保諡文莊寶三歲而孤事母過氏至孝甫十歲母疾爲文告天願減己算延母年及終養歸得疾左手不仁猶朝夕侍親側不懈

青照堂叢書

初編

理學備考

正編下

三

學以洛閩爲的嘗曰吾願爲真士大夫不願爲假道  
學舉南畿受知於李東陽爲詩文典重和雅以東陽  
爲宗至於原本經術粹然一出於正則其所自得也  
博綜羣籍有得則書之簡取程子今日格一物明日  
格一物之義名之曰日格子所著學史簡端二錄巡  
撫吳廷舉上於朝外定性書說漕政舉要諸集若干  
卷學者稱二泉先生其門人同邑王問字子裕以學  
行稱嘉靖十七年成進士授戶部主事監徐州倉減  
羨耗十二三以父老乞便養改南京職方遷車駕郎  
青照堂叢書

初編 理學備考正編下 高

中廣東僉事行未半道乞養歸父卒遂不復仕築室  
湖上讀書三十年不履城市數被薦不起工詩文書  
畫清修雅尚士大夫皆慕之卒年八十門人私諡曰  
文靜先生子鑑字汝明嘉靖末年進士累官吏部稽  
勲郎中念父老謝病歸奉養不離側父歿久之進尚  
寶卿改南京鴻臚卿引年乞休進太僕卿致仕鑑亦  
善畫有言勝其父者遂終身不復作

莊渠魏先生

門人王應電諸人附

先生名校字子才崑山人明史儒林傳校先本李姓

居蘇州葑門之莊渠因自號莊渠宏治十八年成進士歷南京刑部郎中守備太監劉郵藉劉瑾勢張甚或自判狀送法司莫敢抗者校直行已意無所徇改兵部郎中移疾歸嘉靖初起爲廣東提學副使丁憂服闋補江西兵備副使累遷國子祭酒太常卿尋致仕校私淑胡居仁主敬之學而貫通諸儒之說擇執尤精嘗與余祐論性畧曰天地者陰陽五行之本體也故理無不具人物之性皆出於天地然而人得其全物得其偏又曰古聖賢論性有二其一性與情對

青照堂叢書

初編

理學備考正編下

卷

言此是性之本義直指此理而言其一性與習對言但取生字爲義非性之所以得名蓋曰天所生爲性人所爲曰習耳先儒因性相近一語遂謂性兼氣質而言不知人性上下不可添一物纔著氣質便不得謂之性矣荀子論性惡楊子論性善惡混韓子論性有三品衆言淆亂必折之聖若謂夫子性相近一言正論性之所以得名則前後說皆不謬於聖人而孟子道性善反爲一偏之論矣孟子見之分明故言之直捷但未言性爲何物故荀楊韓諸儒得以其說亂

之伊川一言以斷之曰性卽理也則諸說皆不攻自破矣所著有一學指歸六書精蘊卒諡恭簡唐順之王應電王敬臣皆其弟子也順之自有傳王應電字昭明崑山人受業於校篤好周禮謂周禮自宋以後胡宏季本各著書指摘其瑕釁至數十萬言而余壽翁吳澄則以爲冬官未嘗亡雜見於五官中而更次之近世何喬新陳鳳梧舒芬亦各以己意更定然此皆諸儒之周禮也覃研十數載先求聖人之心溯斯禮之源次考天象之文原設官之意推五官離合之

青照堂叢書

初編

理學備考

正編下

卷五

故見綱維統體之極因顯以探微因細而繹大成周禮傳詁數十卷以爲百世繼周而治必出於此嘉靖中家燬於兵燹流寓江西泰和以其書就正羅洪先洪先大服翰林陳昌積以師禮事之胡松撫江西刊行於世應電又研精字學據說文所載譌謬甚者爲之訂正名曰經傳正譌又著同文備考書法指要六義音切貫珠圖六義相關圖卒於泰和昌積爲經紀其喪歸之崑山時有李如玉者同安儒生亦精於周禮爲會要十五卷嘉靖八年詣闕上之得旨嘉獎賜

冠帶王敬臣字以道長洲人江西參議庭子也十九爲諸生受業於校性至孝父疽發背親自吮舐老得瘡眩疾則臥於榻下夜不解衣微聞警欬聲卽躍起問安事繼母如事父妻失母歡不入室者十三載初受校黜成之旨嘗言議論不如著述著述不如躬行故居常杜口不談自見耿定向語以聖賢無獨成之學由是多所誘掖弟子從游者至四百餘人其學以慎獨爲先而指親長之際衽席之間爲慎獨之本尤以標立門戶爲戒鄉人尊爲少湖先生萬歷中以廷

青照堂叢書

初編

理學備考正編下

卷

臣薦徵授國子博士辭不行詔以所授官致仕二十一年巡按御史甘士价復薦吏部以敬臣年高請有司時加優禮詔可年八十五而終周瑛字梁石莆田人成化五年進士知廣德州以善政聞賜敕旌異遷南京禮部郎中出爲撫州知府調知鎮遠秩滿省親歸宏治初吏部尚書王恕起瑛四川參政久之進右布政使咸有善績尤勵清節給事御史交章薦大臣亦多知瑛而瑛以母喪歸服除遂引年乞致仕孝宗嘉之詔進一階正德中卒年八十七瑛始與陳獻章

友獻章之學主於靜瑛不然之謂學當以居敬爲主  
敬則心存然後可以窮理自六經之奧以及天地萬  
物之廣皆不可不窮積累既多則能通貫而於道之  
一本亦自得之矣所謂求諸萬殊而後一本可得也  
學者稱翠渠先生子大謨登進士未仕卒

後渠崔先生

先生名銑字子鍾安陽人明史儒林傳銑父陞官參  
政銑舉宏治十八年進士選庶吉士授編修預修孝  
宗實錄與同官見太監劉瑾獨長揖不拜由是忤瑾

青瑤堂叢書

初編

理學備考正編下

三

書成出爲南京吏部主事瑾敗召復故官充經筵講  
官進侍讀引疾歸作後渠書屋讀書講學其中世宗  
卽位擢南京國子監祭酒嘉靖三年集議大禮久不  
決大學士蔣冕尙書汪俊俱以執議去位其他擯斥  
杖戍者相望而張璫桂萼等驟貴顯用事銑上疏求  
去且劾璫萼等曰臣究觀議者其文則歐陽修之唾  
餘其情則承望意嚮求勝無已悍者危法以激怒柔  
者甘言以動聽非有元功碩德而遽以官賞之得毋  
使僥倖之徒踵接至與臣聞天子得四海歡心以事

其親未聞僅得一二人之心者也賞之適自章其私  
昵而已夫守道爲忠忠則逆旨希旨爲邪邪則畔道  
今忠者日疏而邪者日富一邪亂邦况可使富哉帝  
覽之不悅令銑致仕閏十五年用薦起少詹事兼侍  
讀學士擢南京禮部右侍郎未幾疾作復致仕卒贈  
禮部尚書諡文敏銑少輕俊好飲酒盡數斗不亂中  
歲自厲於學言動皆有則嘗曰學在治心功在慎動  
又曰孟子所謂良知良能者心之用也愛親敬長性  
之本也若去良能而獨挈良知是霸儒也又嘗作政  
青照堂叢書

初編

理學備考正編下

五

議十篇其序曰三代而上井田封建其民固故道易  
行三代而下阡陌郡縣其民散故道難成況沿而下  
趨至今日乎然人心弗異係乎主之者而已凡篇中  
所論說悉倣此意世多有其書故不載

涇野呂先生

諸弟子附

先生名柟字仲木高陵人別號涇野學者稱涇野先  
生明史儒林傳柟正德三年登進士第一授修撰劉  
瑾以柟同鄉欲致之謝不往又因西夏事疏請帝入  
宮親政事潛消禍本瑾惡其直欲殺之引疾去瑾誅



以薦復官乾清宮災應詔陳六事其言除義子遣番  
僧取回鎮守太監尤人所不敢言是年秋以父病歸  
都御史盛應期御史朱節熊相曹珪累疏薦適世宗  
嗣位首召柟上疏勸勤學以爲新政之助畧曰克已  
慎獨上對天心親賢遠讒下通民志庶太平之業可  
致大禮議興與張桂忤以十三事自陳中以大禮未  
定諂言日進引爲已罪上怒下詔獄謫解州判官攝  
行州事恤熒獨減丁役勸農桑興水利築隄護鹽池  
行呂氏鄉約及文公家禮求子夏後建司馬溫公祠

青照堂叢書

初編

理學備考正編下  
甲

四方學者日至御史爲闡解梁書院以居之三年御  
史盧煥等累薦陞南京宗人府經歷歷官尚寶司卿  
吳楚閩越士從者百餘人晉南京太僕寺少卿太廟  
災乞罷黜不允選國子監祭酒晉南京禮部右侍郎  
署吏部事帝將躬祀顯陵累疏勸止不報值天變遂  
乞致仕歸年六十四卒高陵人爲罷市者三日解梁  
及四方學者聞之皆設位持心喪訃聞上輟朝一日  
賜祭葬柟受業渭南薛敬之接河東薛瑄之傳學以  
窮理實踐爲主官南都與湛若水鄒守益共主講席

仕三十餘年家無長物終身未嘗有惰容時天下言  
學者不歸王守仁則歸湛若水獨守程朱不變者惟  
柟與羅欽順云所著有四書因問易說翼書說要詩  
說序春秋說志禮問內外篇史約小學釋寒暑經圖  
解史館獻納宋四子抄釋南省奏藁涇野詩文集萬  
厯崇禎間李禎趙錦周子義王士性蔣德璟先後請  
從祀孔廟下部議未及行柟弟子涇陽呂潛字時見  
舉於鄉官工部司務張節字介夫咸寧李挺字正五  
皆有學行潛里人郭郭字維藩由舉人官馬湖知府

青瑤堂叢書

初編

理學備考正編下

四

藍田王之士字欲立由舉人以趙用賢薦授國子博  
士兩人不及柟門亦秦士之篤學者也

谿田馬先生

先生名理三原人明史儒林傳理同里尚書王恕家  
居講學著書理從之遊得其指授楊一清督學政見  
理與呂柟康海文大奇之曰康生之文章馬生呂生  
之經學皆天下士也登鄉薦入國學與柟及林慮馬  
卿榆次寇天敘安陽崔銑張士隆同縣秦偉日切劘  
於學名震都下高麗使者慕之錄其文以去連遭艱

不預試安南使者至問主事黃清曰關中馬理先生  
安在何不仕也其爲外裔所重如此正德九年舉進  
士一清爲吏部尚書卽擢理稽勲主事調文選請告  
歸起考功主事偕郎中張衍瑞等諫南巡詔跪闕門  
予杖奪俸未幾復告歸教授生徒從游者衆嘉靖初  
起稽勲員外郎與郎中余寬等伏闕爭大禮下詔獄  
再予杖奪俸屢遷考功郎中故戶部郎中莊釋者正  
德時首導劉瑾覆天下庫藏瑾敗落職至是奏辨求  
復當路者屬理理力持不可寢其事五年大計外吏

青照堂叢書

初編

理學備考

正編下

聖

大學士賈詠吏部尚書廖紀以私憾欲去廣東副使  
魏校河南副使蕭鳴鳳陝西副使唐龍理力爭曰三  
人督學政名著天下必欲去三人請先去理乃止明  
年大計京官黜張璫桂萼黨吏部郎中彭澤璫萼竟  
取旨留之理擢南京通政參議請急去居三年起光  
祿卿未幾告歸闕十年復起南京光祿卿尋引年致  
仕三十四年陝西地震理與妻皆死理學行純篤居  
喪取古禮及司馬光書儀朱熹家禮折衷用之與呂  
柟竝爲關中學者所宗穆宗立贈右副都御史天啓

初追謚忠憲

粹夫何先生

先生名瑋武陟人明史儒林傳瑋年七歲見家有佛像抗言請去之十九讀許衡薛瑄遺書輒欣然忘寢食宏治十五年成進士選庶吉士閣試克已復禮爲仁論有曰仁者人也禮則人之元氣而已則見侵於風寒暑濕者也有人能無爲邪氣所勝則元氣復元氣復而其人成矣宿學咸推服焉劉瑾竊政一日贈翰林川扇有八而拜見者瑋時官修撰獨長揖瑾怒不

青照堂叢書

初編 理學備考正編下 聖

以贈受贈者復拜謝瑋正色曰何僕僕也瑾大怒詰其姓名瑋直應曰修撰何瑋知必不爲瑾所容乃累疏致仕後瑾誅復官以經筵觸忌諱謫開州同知修黃陵岡隄成擢東昌府同知乞歸嘉靖初起山西提學副使以父憂不赴服闋起提學浙江敦本尚實士氣丕變未幾晉南京太常少卿與湛若水等修明古太學之法學者翕然宗之歷工戶禮三部侍郎晉南京右都御史未幾致仕是時王守仁以道學名於時瑋獨默如嘗言陸九淵楊簡之學流入禪宗充塞仁

義後學未得游夏十一而議論卽過顏曾此吾道大  
害也里居十餘年教子姓以孝弟忠信一介必嚴兩  
執親喪皆哀毀後諡文定所著陰陽律呂儒學管見  
柏齋集十二卷皆行於世

椒邱何先生

先生名喬新字廷秀江西廣昌人明史列傳喬新父  
文淵永樂十六年進士授御史歷按山東四川烏蒙  
奸民什伽私其知府祿昭妻懼誅誣昭反詔發軍討  
文淵檄止所調軍而白其誣宣德五年用顧佐薦賜

青照堂叢書

初編

理學備考正編下  
器

敕知溫州府居六年治最增俸賜璽書以胡濙薦擢  
刑部右侍郎督兩淮鹽課正統三年兩議獄不當與  
尚書魏源下獄皆得釋朝議征麓川文淵疏諫曰麓  
川徼外彈丸地不足煩大兵若遣雲南守將屯金齒  
令三司官撫諭之遠人獲更生而朝廷免調兵轉餉  
策之善者也帝下其議廷臣多主用兵於是西南騷  
動僅乃克之而死亡多其冬以疾乞歸景帝卽位起  
吏部左侍郎尋進尚書佐王直理部事東宮建加太  
子太保災異見給事中林聰等劾文淵儉邪左庶子

周旋疏言其枉聰并劾旋御史曹凱復廷爭之遂與旋俱下獄聰疏有囑內臣語太監興安請詰主名聰不敢堅對乃釋文淵命致仕英宗復位削其加官而景泰中易儲詔書父有天下傳之子語出文淵或傳朝命逮捕懼而自縊時喬新已登景泰五年進士官南京禮部主事奔喪歸里里人故侍郎揭稽嘗受業文淵而與喬新兄弟不協奏文淵死實諸子迫之自經又逼嫁父所受妾喬新亦許稽爲巡撫時嘗薦黃玘且代草易儲疏皆被徵比對簿父妾斷指爲諸郎

青照堂叢書

初編 理學備考 正編下 五

訟寃獄得少解帝亦以事經赦釋不問已復丁母憂服除改刑部主事歷廣東司郎中錦衣衛卒犯法捕治不少貸都指揮袁彬有所囑執不從彬怒使人摠摠無所得由是名大起成化四年遷福建副使所屬壽寧銀礦盜採者聚衆千餘人所過剽掠募兵擊禽其魁福寧豪尤氏殺人出入隨兵甲拒捕者二十年福清薛氏時出諸番互市事覺謀作亂皆捕殺之福安寧德銀礦久絕有司責課民多破產喬新以爲言減三之二興化民自洪武初受牛於官至是猶歲課

其租奏免之清流歸化里介沙縣將樂間恃險不供  
賦白都御史置歸化縣其民始奉要束遷河南按察  
使歲大饑故事振貸迄秋止喬新曰止於秋謂秋成  
可仰也今秋可但已乎振至明年麥熟乃止都御史  
原傑以招撫流民至南陽引喬新自助初項忠驅流  
民過當民聞傑至益竄山谷喬新躬往招之附籍者  
六萬餘戶遷湖廣右布政使荊州民苦徭役驗丁口  
貧富列爲九等民便之十六年擢右副都御史巡撫  
山西邊地軍民每出塞伐木捕獸喬新言此輩苟遇  
青照堂叢書

初編 理學備考 正編 卷六

敵必輸情求生皆賊導也宜毋聽闌出犯者罪守將  
詔可敵犯塞偕參將支玉伏兵灰溝營擊斬甚衆進  
左副都御史歲饑奏免雜辦及戶口鹽鈔十之四劾  
僉事尚敬劉源稽獄請赦天下斷獄官淹半載以上  
者悉議罪帝稱善亟從之召拜刑部右侍郎山西大  
饑人相食命往振活三十餘萬人還流冗十四萬戶  
還朝會安寧宣撫使楊友欲奪嫡弟播州宣慰使愛  
爵誣愛有異謀喬新往勘與巡撫劉璋共白愛誣友  
奪官安置他府播人遂安孝宗嗣位萬安劉吉等忌

喬新剛正出爲南京刑部尚書沿江蘆洲率爲中官  
占奪託言備進奉費喬新奏遣之民初喬新之出中  
官懷恩不平一日以事詣閣言新君踐阼當用正人  
胡爲出何公安等默然既而刑部尚書杜銘罷羣望  
屬喬新而吉代安爲首輔終忌之久不補弘治改元  
用王恕薦始召喬新代銘奏言舊制遣官勘事及逮  
捕必齋精微批文赴所在官司驗視乃行近止用駕  
帖不合符宜復舊制以防矯詐帝立報許時吉仇正  
人頗興大獄喬新率據法直之吉愈啣恨數摭他事

青照堂叢書

初編

理學備考正編

卷

奪俸二年夏京城大水喬新請恤被災者家又慮刑  
獄失平條上律文當更議者數事吉悉格不行大理  
丞闕御史鄒魯覲遷而喬新薦郎中魏紳會喬新外  
家與鄉人訟魯卽誣喬新受賕曲庇吉取中旨下其  
外家詔獄喬新乃拜疏乞歸頃之窮治無驗魯坐停  
俸喬新亦許致仕喬新性廉介觀政工部時嘗使淮  
西巢令閻徽少學於文淵以金幣餽喬新却之閻曰  
以壽吾師耳喬新曰子欲壽吾親因他人致之則可  
因吾致之則不可卒不受福建市舶中官死鎮守者



分其貲遺三司喬新獨固辭不得輸之於庫旣家居  
楊愛遣使厚致贈且獻良材可爲櫬者喬新堅却之  
喬新年十一時侍父京邸修撰周旋過之喬新方讀  
通鑑續編旋問曰書法何如綱目對曰呂文煥降元  
不書叛張世傑溺海不書死節曹彬包拯之卒不書  
其官而紀義軒多採怪妄似未有當也旋大警異比  
長博綜羣籍聞異書輒借鈔積三萬餘帙皆手較讐  
著述甚富與人寡合氣節友彭韶學問友邱濬而已  
罷歸後巡按江西御史陳詮奏喬新始終全節中間  
青照堂叢書  
初編 理學備考 正續下 哭

祇以受親故餽遺之嫌勒令致仕進退黯昧誠爲可  
惜乞行勘本官如無疾則行取任用有疾則加慰勞  
以存故舊之恩全進退之節不許後中外多論薦竟  
不復起十五年卒年七十六江西巡撫林俊爲彭韶  
及喬新請諡吏部覆從之有旨令上喬新致仕之由  
給事中吳世忠言喬新學行政事莫不優忠勤剛介  
老而彌篤御史鄒魯挾私誣劾一辭不辨恬然退歸  
杜門著書人事寡接士大夫莫不高其行若必考選  
身之由疑旌賢之典則如宋蔣之奇嘗誣奏歐陽修

矣胡紘輩嘗誣奏朱熹矣未聞以一人私情廢萬世公論也事竟寢正德十一年廣昌知縣張傑復以爲言乃贈太子太保予廕明年賜諡文肅喬新五世孫源萬歷初爲刑部右侍郎亦有清節

苑洛韓先生

此本取闕學編少墟原本弟邦靖附

先生名邦奇字汝節號苑洛朝邑人父紹宗號蓮峰成化戊戌進士仕至福建按察副使學識才品當世推重先生幼靈俊異常承訓過庭卽有志聖學爲諸生治尚書時卽著蔡傳發明禹貢詳略律呂直解見

青照堂叢書

初編

理學備考正編下

无

者驚服宏治甲子以書舉第二人正德戊辰成進士拜吏部考功主事尋轉員外郎辛未考察都御史某私袖小帙竊視先生曰考覈公事有公籍在何以私帙爲乃奪其帙封貯不檢都御史爲遜謝衆皆失色調文選太宰托意爲官擇人欲發視缺封先生執不可太宰銜之會京師地震上䟽極論時政闕失謫平陽通判甲戌遷浙江按察僉事時逆廝錢寧以鈔數萬符浙易銀當事者歛餽恐後先生檄知縣吉棠散其歛卒不餽宸濠將舉逆先命內堅假飯僧數千人

于杭天竺寺先生立爲散遣濠又以儀賓託名進貢  
假道衢州先生召儀賓詰曰進貢自當沿江而下奚  
自假道歸語爾主韓僉事在此不可証也後二年濠  
果通鎮守欲襲浙江賴前事發姦不竟違先生謂鎮  
守爲浙蠹諸不少假鎮守銜甚誣奏擅革進貢誹謗  
朝廷逮下詔獄爲民旣歸謝客講學四方學者負笈

日衆

世廟卽位改元嘉靖詔起山東叅議尋乞休甲申大  
同巡撫張文錦階亂遇害時勢孔棘復以薦起山西

青照堂叢書

初編

理學備考

正編下  
五

左叅議分守大同人皆危之先生聞命卽行將入城  
去二舍許逆者使二人露刃迎且故燬叅將宅以懼  
之先生奮然單車入時諸司無官鎮人聞先生入皆  
感激泣下人心少安旣而巡撫蔡公天佑至代州先  
生親率將領令盛裝戎服謁蔡于代蔡驚曰公何爲  
如此先生曰某豈過于奉上者大同變後巡撫之威  
削甚大同人止知有某耳不身先降禮何以帥衆蔡  
爲嘆服會

上遣戶部侍郎胡公瓚提兵問罪鎮人聞之復大譟

先生迓侍郎于天城以處分事宜馳白巡撫諸軍聞  
言出于先生信之始解翌日首惡就戮先生謂侍郎  
曰首惡旣獲宜速給賞以示信庶亂可弭寧不然人  
心疑懼將有他變侍郎不聽先生遂致仕歸後果如  
其言戊子起四川提學副使尋改右春坊右庶子兼  
翰林院修撰其秋主試順天因命題爲執政所不悅  
嗾言者謫南太僕寺丞己丑再疏歸尋起山東按察  
副使大理左少卿以左僉都御史巡撫宣府時大同  
再變王師出討百九軍需衙辦宣府悉力經理有備

青照堂叢書

初編

理學備考正編下  
至

無乏乙未入佐院事尋改巡撫山西時羽檄交馳先  
生躬歷塞外增飭戰守之具拓老營堡城垣募軍常  
守以代分番諸邊屹然可恃四疏乞休復致仕甲辰  
復用薦起總理河道陞刑部左侍郎改吏部右侍郎  
太宰周公用喜得佐理翕然委重丁未陞南京都察  
院右都御史復進南京兵部尚書叅贊機務五疏乞  
歸是在己酉益修舊業倡導入學居七年乙卯會地  
震卒年七十七贈少保謚恭簡門人白壁曰先生天  
稟高明學問精到明于數學胸次灑落大類邵堯夫

而論道體乃獨取張橫渠少負氣節旣乃不欲爲奇節異行而識度汪然涵養宏深持守堅定躬行心得中正明達則又一薛敬軒也所著有苑洛語錄苑洛集苑洛志樂性理三解易占經緯易說書說毛詩未喻諸書傳世弟邦靖字汝慶號五泉幼稱竒童年十四舉于鄉二十一與先生同第進士爲工部主事權稅武林比及瓜有同年趙司李以屈安人病無子買女婢遺之拒不受趙曰此越女有色者笑曰政恐若此耳旣遷郎中以建言逮獄爲民嘉靖改元起山西

書照堂叢書

初編

理學備考

正編

卷一

左叅議以病免尋卒年僅三十有六汝慶父子兄弟以學問相爲師友太史王敬夫銘其墓稱爲曠世之英全德之士所著有五泉集朝邑志若干卷

### 椒山楊先生

先生名繼盛字仲芳容城人明史列傳先生七歲失母庶母媯使牧牛繼盛經里塾觀里中兒讀書心好之因語兄請得從塾師學兄曰若幼何學繼盛曰幼者任牧牛乃不任學耶兄言於父聽之學然牧不廢也年十三歲始得從師學家貧益自刻厲舉鄉試卒

業國子監徐階亟賞之嘉靖二十六年登進士授南京吏部主事從尚書韓邦奇遊覃思律呂之學手製十二律吹之聲畢和邦奇大喜盡以所學授之繼盛名益著召改兵部員外郎俺答躡京師咸寧侯仇鸞以勤王故有寵帝命鸞爲大將軍倚以辦寇鸞中情怯畏寇甚方請開互市市馬冀與俺答媾幸無戰鬪固恩寵繼盛以爲讐恥未雪遽議和示弱大辱國乃奏言十不可五謬大畧謂互市者和親別名也俺答蹂躪我陵寢虔劉我赤子天下大讐也而先之和不

青照堂叢書

初編

理學備考正編下

卷五

可一往下詔北伐天下曉然知聖意日夜征繕助兵食忽更之曰和失信於天下不可二以堂堂中國與之互市冠履倒置不可三海內豪傑爭磨礪待試一旦委置無用異時欲號召誰復興起不可四使邊鎮將帥以和議故美衣媮食弛懈兵事不可五徃時邊卒私通境外吏率裁禁今乃導之使與通不可六盜賊伏莽徒懾國威不敢肆耳今知朝廷畏怯睥睨之漸必開不可七俺答社歲深入乘我無備故也備之一歲以互市終彼謂國有人乎不可八或俺答負約

不至至矣或陰謀伏兵突入或今日市明日復寇或以下馬索上直不可九歲帛數十萬得馬數萬匹十年以後帛將不繼不可十議者曰吾外爲市以羈縻之而內修我甲兵此一謬也夫寇欲無厭其以釁終明甚苟內修武備安事羈縻曰吾陰市以益我馬此二謬也夫和則不戰馬將焉用且彼寧肯子我良馬哉曰市不已彼且入貢此三謬也夫貢之賞不貲是名美而實大損也曰俺答利我市必無失信此四謬也吾之市能盡給其衆乎能信不給者之無入掠乎

青照堂叢書

初編

理學備考正編下  
五十四

曰佳兵不祥此五謬也敵加已而應之何佳也人身四肢皆癰疽毒日內攻而憚用藥石可乎夫此十不可五謬明顯易見蓋有爲陛下主其事者故公卿大夫知而莫爲一言陛下宜奮獨斷悉按諸言互市者發明詔選將練兵不出十年臣請爲陛下竿俺答之首於藁街以示天下萬世疏入帝頗心動下鸞及成國公朱希忠大學士嚴嵩徐階呂本兵部尚書趙錦侍郎聶豹張時徹議鸞攘臂詈曰豎子目不睹寇宜其易之諸大臣遂言遣官已行勢難中止帝尚猶豫

鸞復進密疏乃下繼盛詔獄貶狄道典史其地雜番俗罕知詩書繼盛簡子弟秀者百餘人聘三經師教之嘗所乘馬出婦服裝市田資諸生縣有煤山爲番人所據民仰薪二百里外繼盛召番人諭之咸服曰楊公卽須我曹穹帳亦舍之况煤山耶番人信愛之呼曰楊父已而俺答數敗約入寇鸞奸大露疽發背死戮其屍帝乃思繼盛言稍遷諸城知縣月餘調南京戶部主事三日遷刑部員外郎當是時嚴嵩最用事恨鸞俊已心善繼盛首改鸞欲驟貴之復改兵部

青照堂叢書

初編

理學備考

正編下

卷

武選司而繼盛惡嵩甚於鸞且念起謫籍一歲四遷官思所以報國抵任甫一月草奏劾嵩齋三日乃止奏曰臣孤直罪臣蒙天地恩超擢不次夙夜祗懼思圖報稱蓋未有急於請誅賊臣者也方今外賊惟俺答內賊惟嚴嵩未有內賊不去而可除外賊者去年春雷久不聲占曰大臣專政冬日下有赤色占曰下有叛臣又四方地震日月交食臣以爲災皆嵩致請以嵩十大罪爲陛下陳之高皇帝罷丞相設立殿閣之臣備顧問視制草而已嵩乃儼然以丞相自居凡



府部題覆先面白而後草奏百官請命奔走重房如市無丞相名而有丞相權天下知有嵩不知有陛下是懷祖宗之成法大罪一也陛下用一人嵩曰我薦也斥一人曰此非我所親故罷之陛下宥一人嵩曰我救也罰一人曰此得罪於我故報之伺陛下喜怒以恣威福羣臣感嵩甚於感陛下畏嵩甚於畏陛下是竊君上之大權大罪二也陛下有善政嵩必令世蕃告人曰主上不及此我議而成之又以所進揭帖刊刻行世名曰嘉靖疏議欲天下以陛下之善盡歸

青照堂叢書

初編 理學備考 正編 五

於嵩是掩君上之治功大罪三也陛下令嵩司票擬蓋其職也嵩何取而令子世蕃代擬又何取而約諸義子趙文華輩羣聚而代擬題疏方上天語已傳如沈鍊劾嵩疏陛下以命呂本本卽潛送世蕃所令其擬上是嵩以臣而竊君之權世蕃復以子而盜父之柄故京師有大丞相小丞相之謠是縱姦子之僭竊大罪四也嚴效忠嚴鶴乳臭子耳未嘗一涉行伍嵩先令效忠冒兩廣功授錦衣所鎮撫矣效忠以病告鶴襲兄職又冒瓊州功擢千戶以故總督歐陽必進

躡掌工部總兵陳圭洵統後府巡按黃如桂亦驥亞  
太僕既藉私黨以官其子孫又因子孫以拔其私黨  
是冒朝廷之軍功大罪五也逆鸞先已下獄論罪賄  
世蕃三千金薦爲大將鸞冒禽哈喇兒功世蕃亦得  
增秩嵩父子自誇能薦鸞矣及知陛下有疑鸞心復  
互相排詆以泯前述鸞勾賊而嵩世蕃復勾鸞是引  
背逆之姦臣大罪六也前俺答深入擊其恊歸此一  
大機也兵部尚書丁汝夔問計於嵩嵩戒無戰及汝  
夔逮治嵩復以論救給之汝夔臨死大呼曰嵩悞我  
青照堂叢書 初編 理學備考 正編下 卷七

是悞國家之軍機大罪七也郎中徐學詩劾嵩革任  
矣復欲斥其兄中書舍人應豐給事厲汝進劾嵩謫  
典史矣復以考察令吏部削其籍內外之臣被中傷  
者何可勝計是專黜陟之大柄大罪八也凡文武遷  
擢不論可否但銜金之多寡而畀之將弁惟賄嵩不  
得不賸削士卒有司惟賄嵩不得不培植百姓士卒  
失所百姓流離毒徧海內臣恐今日之患不在境外  
而在域中是失天下之人心大罪九也自嵩用事風  
俗大變賄賂者薦及盜跖疏拙者黜逮夷齊守法度

者爲迂疎巧彌縫者爲才能勵節介者爲矯激善奔走者爲練事自古風俗之壞未有甚於今日者蓋嵩好利天下皆尚貪嵩好諛天下皆尚諂源之弗潔流何以澄是做天下之風俗大罪十也嵩有是十罪而又濟之以五奸知左右侍從之能察意旨也厚賄結納凡陛下言動舉措莫不報嵩是陛下之左右皆賊嵩之間諜也以通政司之主出納也用趙文華爲使凡有疏至先送嵩閱竟然後入御王宗茂劾嵩之章停五日乃上故嵩得屢轉遮飾是陛下之喉舌乃賊

青照堂叢書

初編 理學備考 正編 五

嵩之鷹犬也畏厥衛之緝訪也令子世蕃結爲婚姻陛下試詰嵩諸孫之婦皆誰氏乎是陛下之爪牙皆賊嵩之爪葛也畏科道之多言也進士非其私屬不得預中書行人選推官知縣非通賄不得預給事御史選旣選之後入則杯酒結歡出則餽饈相屬所有愛憎授之諭刺歷俸五六年無所建白卽擢京卿諸臣忍負國家不敢忤權臣是陛下之耳目皆賊嵩之奴隸也科道雖入籠絡而部寺中或有如徐學詩之輩亦可懼也令子世蕃擇其有才望者羅置門下凡

有事欲行者先令報嵩預爲布置連絡蟠結深根固  
蒂各部堂司大半皆其羽翼是陛下之臣工皆賊嵩  
之心膂也陛下奈何愛一賊臣而忍百萬蒼生陷於  
塗炭哉至如大學士徐階蒙陛下特擢乃亦每事依  
違不敢持正不可不謂之負國也願陛下聽臣之言  
察嵩之奸或召問裕景二王或詢諸閣臣重則置憲  
輕則勒致仕內賊旣去外賊自除雖俺答亦必畏陛  
下聖斷不戰而喪膽矣疏入帝已怒嵩見召問二王  
語喜謂可指此爲罪密構於帝帝益大怒下繼盛詔  
青照堂叢書

初編 理學備考 正編下 堯

獄詰何故引二王繼盛曰非二王誰不懾嵩者獄上  
乃杖之百令刑部定罪侍郎王學益嵩黨也受嵩屬  
欲坐詐傳親王令旨律絞郎中史朝賓持之嵩怒謫  
之外於是尚書何鰲不敢違竟如嵩指成獄然帝猶  
未欲殺之也繫三載有爲營救於嵩者其黨胡植鄢  
懋卿林之曰公不覩養虎者耶將自貽患嵩頷之會  
都御史張經李天寵坐大辟嵩揣帝意必殺二人比  
秋審因附繼盛名並奏得報其妻張氏伏闕上書言  
臣夫繼盛誤聞市井之言尚狙書生之見遂發狂論

聖明不卽加戮俾從吏議兩經奏讞俱荷寬恩今忽  
闌入張經疏尾奉旨處決臣仰惟聖德昆蟲草木皆  
欲得所豈惜一迴宸顧下垂覆盆倘以罪重必不可  
赦願卽斬臣妾首以代夫誅夫雖遠禦魑魅必能爲  
疆場效死以報君父嵩屏不奏遂以三十四年十月  
朔棄西市年四十臨刑賦詩曰浩氣還太虛丹心照  
千古生平未報恩留作忠魂補天下相與涕泣傳頌  
之初繼盛之將杖也或遺之蚺蛇膽却之曰椒山自  
有膽何蚺蛇爲椒山繼盛別號也及入獄創甚夜半  
青照堂叢書  
初編 理學備考 正編下 六  
而蘇碎斃盃手割腐肉肉盡筋挂膜復手截去獄卒  
執燈頭欲墜繼盛意氣自如朝審時觀者塞衢皆歎  
息有泣下者後七年嵩敗穆宗立卹直諫諸臣以繼  
盛爲首贈太常少卿謚忠愍予祭葬任一子官已又  
從御史郝杰言建祠保定名旌忠

斛山楊先生

先生名爵字伯修號斛山富平人初誕時室中如火  
光起人咸驚異之長美容容身滿七尺家故貧年二  
十始發篋讀書苦無繼晷資嘗以薪代夙夜攻苦每

之隴上耕卽挾冊任意欣欣也居恒念人當以聖賢  
爲師一切不稟古昔何所稱宇宙間兄靖以掾誤羅  
法先生獨步百里外申厥寃遂並繫獄先生從獄中  
上書辭意激烈邑令見而驚之曰奇士也胡累至是  
耶立出之給油薪費督之學年二十八聞朝邑韓恭  
簡公講理學躬輦米往拜其門公睇先生貌行行壯  
也欲卻之父蓮峰老人謂曰意若非凡人數日叩其  
學詫曰縱宿學老儒莫是過吾幾失人矣旣省語言  
踐履錚錚多古人節嘆曰畏友也同門學者皆自以  
青照堂叢書

初編 理學備考 正編 下

卷

爲不及後與楊椒山稱韓門二楊云年踰三十督學  
漁石唐公始首拔爲邑諸生嘉靖戊子秋應試長安  
就食食館客有遺金者先生守之客至持館人急先  
生詰其實付以金客謝寡取先生峻不允乃敦請家  
止宿焉是秋卽以書舉第三名明年成進士授行人  
三使藩國餽贈俱讓不受或以爲矯先生曰彼雖禮  
來實各重天子使吾獨不知自重天子使邪聞者嘆  
服壬辰選山東道監察御史時權臣當國草疏將劾  
之疏且具會鄉人有以垂白在堂勸止者乃移疾歸

未幾母歿毀瘠踰禮廬墓三年有冬笋馴兔之瑞  
服闋家居授徒講學者又五年庚子秋以薦起河南  
道巡視南城權貴歛避而所覩時事不勝扼腕辛丑  
春二月初四日上封事娓娓數千言大約天下事內  
而腹心外而官骸皆受病足以失人心而致危亂者  
五一則輔臣夏言習爲欺罔翊國公郭勛爲國巨蠹  
所當急去二則凍餒民閔不憂恤而爲方士修雷壇  
三則大小臣工弗覩朝議宜懈其望四則名器濫及  
緇黃出入大內非制五則言事諸臣若楊最羅洪先  
輩非死卽斥去所損國體不小是時中外頗以言爲  
諱疏入人皆愕然大怒卽逮繫鎮撫司窮究其詞  
拷掠備至先生一無譏是日都城風大作人面不相  
覩都人呼爲楊御史風其感動天地如此先生身晝  
夜樞鎖中創甚血淋漓下死而復甦先是士大夫下  
獄並未有樞鎖者乃自先生始蓋貴溪翊國意也戶  
部主事周公天佐巡按陝西御史浦公鉉相繼申救  
俱箠死獄中守益戒嚴人益爲先生危而先生處之  
自若刑部郎錢公德洪工部郎劉公魁吏科給事中

青照堂叢書

初編

理學備考正編下

空

周公怡皆先生同志舊友先後俱以事下獄相得甚  
驩然自學問相勸勉外各相戒不得言得罪事錢先  
釋獄先生願有以爲別錢曰靜中收攝精神勿使遊  
放則心體湛一高明廣大可馴致矣古人作聖之功  
其在此乎先生敬識之而乃日與周劉切劘修誦不  
少輟釋四子諸經百家研精於易著周易辨錄及中  
庸解若干卷諸所著作畧無憤惋不平語詩文倡和  
身世頓忘如是者五年乙巳秋八月十二日上以受  
釐故放先生及周劉歸田里而三人者猶相與取道

青照堂叢書

初編

理學備考正編下

卷三

潞水講學舟中逾臨清始別歸會熊太宰以諫仙箕  
忤旨復逮三人獄先生抵家甫十日聞命即日就道  
親朋揮淚爲別先生無幾微見顏面身幽圜扉者又  
三年丁未冬十一月五日上建醮高衣殿災火圍中  
恍聞呼三人名氏者次日釋歸爲民上之聖明保全  
諫臣如此旣歸教授里中貴人莫得見其面疏粥敗  
履怡然自適己酉冬十月九日卒于家年五十有七  
病革時援筆自誌又惓惓以作第一等事做第一等  
人教其子孫無他辭蓋先生爲人徑直不阿而內實



忠淳自少至老孳孳學問以韓苑洛馬谿田爲師以楊椒山周訥溪劉晴川錢緒山蔡汝濱諸君子爲友險夷如一初終不貳磨礪精光展拓胸次其所涵養者誠深以故鼎鑊湯火百折不回完名全節鏗錡一代不偶也彼世之淺哀寡蓄耽耽以氣節自多者視先生當媿死矣先生没若干年莊皇帝以世廟遺詔贈光祿少卿錄其後萬歷時用禮官議諡忠介

思獻陳先生

林希元諸人附

先生名琛晉江人杜門獨學蔡忠介清見其文異之

青照堂叢書

初編

理學備考正編

卷

曰吾得友此人足矣琛因介友人見清清曰吾所發憤沉潛辛苦而僅得者以語人常不解子已盡得之今且盡以付子矣清歿十年琛舉進士授刑部主事改南京戶部就擢考功主事乞終養歸嘉靖七年有薦其恬退者詔徵之琛辭居一年卽家起貴州僉事旋改江西省督學校並辭不赴家居卻掃一室偃臥其中長吏莫得見其面同郡林希元字懋貞與琛同年進士歷官雲南僉事坐考察不謹罷歸所著存疑等書與琛所著易經通典四書淺說並爲舉業所宗

同郡列蔡忠介門者王宜弭治中鄉舉以親老一赴  
會試止嘗曰學者混朱陸爲一便非真知易時中字  
嘉會由夏津知縣遷順天推官治胡守中獄失要人  
意以終養歸道出夏津老稚爭獻果脯別有哭失聲  
者母九十一終時中七十不勝喪卒趙遂字子重東  
平人弭治中鄉舉得蔡氏傳會試不第遂不出生平  
好濂洛諸子學於明獨好薛氏讀書錄蔡烈字文繼  
龍溪人弱冠爲諸生隱居鶴鳴山白雲洞舉遺佚以  
母老辭郡爲建書院亦辭忽山鳴三日烈遂卒主簿

青照堂叢書

初編

理學備考正編下  
卷四

詹道嘗請論心烈曰孔門求仁未嘗出事外堯舜之  
道孝弟而已夫子之道忠恕而已

澹泉鄭先生

先生名曉字室甫海鹽人明史列傳曉嘉靖元年舉  
鄉試第一明年成進士授職方主事日披故牘盡知  
天下阨塞士馬虛實強弱之數尚書金獻民屬撰九  
邊圖志人爭傳寫之以爭大禮廷杖大同兵變上疏  
極言不可赦張孚敬柄政器之欲改寘翰林及言路  
曉皆不應父憂歸久之不起許讚爲吏部尚書調之

吏部歷考功郎中夏言罷相帝惡言官不糾劾詔考  
察去留大學士嚴嵩因欲去所不悅者而曉去喬佑  
等十三人多嵩所厚嵩大憾曉調文選嵩欲用趙文  
華爲考功曉言於讚曰昔黃禎爲文選調李開先考  
功皆山東人詔不許今調文華曉避位而已讚以謝  
嵩嵩欲以子世蕃爲尚寶丞曉曰治中遷知府例也  
遷尚寶丞無故事嵩益怒以推諫降官周欽等貶曉  
和州同知稍遷太僕丞歷南京太常卿召拜刑部右  
侍郎俄改兵部兼副都御史總督漕運大江南北皆  
青照堂叢書

初編 理學備考 正編下 卷

中倭漕艘幾阻曉請發帑金數十萬造戰舸築城堡  
練兵將積芻糗詔從之中國奸民利倭賄多與通逼  
州人顧表者尤桀黠爲倭導以故營砦皆據要害盡  
知官兵虛實曉懸重賞捕戮之募鹽徒驍悍者爲兵  
增設秦州海防副使築瓜州城廟灣麻洋雲梯諸海  
日皆增兵設墩遂破倭於通州連敗之如臯海門襲  
其軍呂泗圍之狼山前後斬首九百餘賊潰去錄功  
再增秩三賚銀幣時賊多中國人曉言武健才諳之  
徒困無所逞甘心作賊非國家廣行網羅使有出身

之階恐有如孫恩盧循輩出于其間禍滋大矣洪武時倭寇近海州縣以高皇帝威靈兼謀臣宿將築城練兵經略數年猶未乂安乃招漁丁島人鹽徒蜑戶籍爲水軍三數萬人又遣使出海宣布威德久之倭始不爲患今江北雖平而風帆出沒倏忽千里倭恃華人爲耳目華人借倭爲爪牙非詳爲區畫後患未易弭也帝頗採納之尋召爲吏部左侍郎遷南京吏部尚書帝以曉知兵改右都御史協理戎政尋拜刑部尚書他若圍大同右衛急帝命兵部尚書楊博往

青照堂叢書

初編 理學備考正編 卷六

督大師乃以曉攝兵部曉言令兵事方棘而所簡聽征京軍三萬五千人乃令執役赴工何以備戰守乞歸之營伍帝立從之尋遷視刑部事嚴嵩勢益熾曉素不善嵩而其時大獄如總督王忬以失律中允郭希顏以言事曉竝予輕比嵩則置重典南都叛卒周山等殺侍郎黃懋官海寇汪直通倭爲亂曉置重典嵩故寬假之惟巡撫阮鶚總督楊順御史路楷以嵩曲庇曉不能盡法議者譏其失出云故事在京軍民訟俱投牒通政司送法司問勘諸司有應鞫者亦參

送法司無自決遣者後諸司不復遵守獄訟紛拏曉  
奏循故事帝報許於是刑部間捕囚畿府而巡按御  
史鄭存仁謂訟當自下而上檄州縣法司有追取母  
輒發曉聞率侍郎趙大祐傅頤守故事爭存仁亦據  
律執奏章俱下都察院會刑科平議議未上曉疏辨  
嵩激帝怒切讓遂落曉職兩侍郎亦貶二秩曉通經  
術習國家典故時望蔚然爲權貴所扼志不盡行旣  
歸角巾布衣與鄉里父老遊處見者不知其貴人也  
旣卒于履淳等訟曉禦倭功於朝詔復職隆慶初贈  
青照堂叢書

初編 理學備考正編下

卷七

太子少保謚端簡履淳自有傳

按先生著述多吾學錄徵吾編今言三書夫子爲下  
不倍之意也其言言有曰宋儒議漢儒大過今之學  
者又譏宋儒大過又曰橫渠學術純于伊川子厚文  
章優於退之似皆爲公論又曰教卽學也教人之教  
乃學中之一事耳修道之謂教自明誠謂之教皆自  
學也此卽本商書敷學半之意

### 仁卿唐先生

先生名伯元澄海人明史儒林傳伯元萬歷二年進

士歷知萬年泰和二縣竝有惠政民生祠之遷南京  
戶部主事進郎中伯元受業永豐呂懷踐履篤實而  
深疾王守仁新說及守仁從祀文廟上疏爭之因請  
黜陸九淵而躋有若及周程張朱五子於十哲之列  
祀羅欽順章懋呂柟魏校呂懷蔡清羅洪先王艮於  
鄉疏方下部旋爲南京給事中鍾宇淳所駁伯元謫  
海州判官屢遷尚寶司丞吏部尚書楊巍雅不喜守  
仁學心善伯元前疏用爲吏部員外郎歷考功文選  
郎中佐尚書孫丕揚澄清吏治苞苴不及其門秩滿  
青照堂叢書  
初編 理學備考 正編下 卷八

推太常少卿未得命時吏部推補諸疏皆留中伯元  
言賢愚同滯朝野咨嗟由臣擬議不當所致乞賜罷  
斥帝不憚特允其去而諸疏仍留不下居二年甄別  
吏部諸郎帝識伯元名命改南京他部而伯元已前  
卒伯元清苦淡薄人所不堪甘之自如爲嶺海士大  
夫儀表

涇陽顧先生

先生名憲成字叔時無錫人明史列傳憲成萬歷四  
年舉鄉試第一八年成進士授戶部主事大學士張

居正病朝士羣爲之禱憲成不可同官代之署名憲  
成手削去之居正卒改吏部主事請告歸三年補驗  
封主事十五年大計京朝官都御史辛自修掌計事  
工部尚書何起鳴在拾遺中自修坐是失執政意給  
事中陳與郊承風旨竝論起鳴自修實以攻自修而  
庇起鳴於是二人竝罷并責御史糾起鳴者四人憲  
成不平上疏語侵執政被旨切責謫桂陽州判官稍  
遷處州推官丁母憂服除補泉州推官舉公廉第一  
擢吏部考功主事歷員外郎會有詔三皇子竝封王

青照堂叢書

初編 理學備考正編下  
卷

憲成偕同官上疏曰皇上因祖訓立嫡之條欲暫令  
三皇子竝封王以待有嫡立嫡無嫡立長臣等伏而  
思之待之一言有大不可者太子天下本豫定太子  
所以固本是故有嫡立嫡無嫡立長就見在論是也  
待將來則非也我朝建儲家法東宮不待嫡元子不  
竝封廷臣言甚詳皇上鑿弗省豈皇上創見有加列  
聖之上乎有天下者稱天子天子之元子稱太子天  
子繫乎天君與天一體也太子繫乎父父子一體也  
主鬻承祧於是乎在不可得而爵今欲竝封三王元

子之封何所係乎無所係則難乎其爲名有所係則難乎其爲實皇上以爲權宜云耳夫權宜者不得已而行之也元子爲太子諸子爲藩王於理順於分稱於情安有何不得已而然乎耦尊鈞大逼所由生皇上以祖訓爲法子孫以皇上爲法皇上不難創其所無後世詎難襲其所有自是而往幸皆有嫡可也不然是無東宮也又幸而如皇上之英明可也不然凡皇子皆東宮也無乃啟萬世之大患乎皇后與皇上共承宗祧期於宗祧得人而已皇上之元子諸子卽皇后之元子諸子恭如皇貴妃不得而私之統於尊也豈必如輔臣王錫爵之請須拜皇后爲母而後稱子哉况始者奉旨少待二三年而已俄改二十年召改於二十一年然猶可以歲月期也今日待嫡是未可以歲月期也命方布而忽更意屢遷而愈緩自竝封命下叩闕上封事者不可勝數至里巷小民亦聚族而竊議是孰使之然哉人心之公也而皇上猶責輔臣以擔當錫爵夙夜趣召乃排羣議而順上旨豈所謂擔當必積誠感悟納皇上於無過之地乃真擔



當耳不然皇上且不能如天下何而况錫爵哉皇上  
神明天縱非溺寵狎昵之比而不諒者見影而疑形  
聞響而疑聲卽臣等亦有不能爲皇上解者皇上盛  
德大業比隆三五而乃來此意外之紛紛不亦惜乎  
伏乞令皇元子早正儲位皇第三子皇第五子各就  
王爵父父子君君臣臣兄弟弟宗廟之福祉穆  
之慶悉在是矣憲成又遺書錫爵反覆辨論其後並  
封議遂寢二十一年京察吏部尚書孫鑑考功郎中  
趙南星盡黜執政私人憲成實左右之及南星被斥  
青照堂叢書

初編

理學備考正編下

七

憲成疏請同罷不報尋遷文選郎中所推舉率與執  
政牴牾先是吏部缺尚書錫爵欲用羅萬化憲成不  
可乃用陳有年後廷推閣臣萬化復不與錫爵等皆  
恚萬化乃獲推會帝報罷而止及是錫爵將謝政廷  
推代者憲成舉故大學士王家屏忤帝意削籍歸事  
具有年傳憲成旣廢名益高中外推薦無慮百十疏  
帝悉不報至三十六年始起南京光祿少卿力辭不  
就四十年卒於家天啟初贈太常卿魏忠賢亂政其  
黨石三畏追論之遂削奪崇禎初贈吏部右侍郎諡

端文憲成姿性絕人幼卽有志聖學暨削籍里居益  
覃精研究力闡王守仁無善無惡心之體之說邑故  
有東林書院宋楊時講道處也憲成與弟九成倡修  
之常州知府歐陽東鳳與無錫知縣林宰爲之營構  
落成偕同志高攀龍錢一本薛敷教史孟麟于孔兼  
輩講學其中學者稱涇陽先生當是時士大夫抱道  
忤時者率退處林野聞風響附學舍至不能容憲成  
嘗曰官輦轂志不在君父官封疆志不在民生居水  
邊林下志不在世道君子無取焉故其講習之餘往  
青照堂叢書

初編

理學備考正編

下

往諷議朝政裁量人物朝士慕其風者多遙相應和  
由是東林名大著而忌者亦多旣而淮撫李三才被  
論憲成貽書葉向高孫丕揚爲延譽御史吳亮刻之  
邸抄中攻三才者大譁而其時于玉立黃正賓輩附  
麗其間頗有輕浮好事名徐兆魁之徒遂以東林爲  
口實兆魁騰疏攻憲成恣意誣詆謂澹墅有小河東  
林專其稅爲書院費關使至東林輒以書招之卽不  
赴亦必致厚餽講學所至僕從如雲縣令館穀供億  
非二百金不辦會時必設時政郡邑行事偶相左必

令改圖及受黃正賓賄其言絕無左驗光祿丞吳炯  
上言爲一一致辨因言憲成貽書救三才誠爲出位  
臣嘗咎之憲成亦自悔今憲成被誣天下將以講學  
爲戒絕口不設孔孟之道國家正氣從此而損非細  
事也疏入不報嗣後攻擊者不絕比憲成歿攻者猶  
未止凡救三才者爭辛亥京察者衛國本者發韓敬  
科場弊者請行勘熊廷弼者抗論張差梃擊者最後  
爭移宮紅丸者忤魏忠賢者率指目爲東林抨擊無  
虛日借魏忠賢毒餒一網盡去之殺戮禁錮善類爲  
青照堂叢書

初編 理學備考正編下

五

一空崇禎立始漸收用而朋黨勢已成小人卒大熾  
禍中於國迄明亡而後已弟允成字季時憲成弟性  
耿介厲名節舉萬歷十一年會試十四年始赴殿試  
對策中有曰陛下以鄭妃勤於奉侍冊爲皇貴妃廷  
臣不勝私憂過計請立東宮進封王恭妃非報罷則  
峻逐或不幸貴妃弄威福其戚屬左右竊而張之內  
外害可勝言頃張居正罔上行私陛下以爲不足信  
而付之二三匪人恐居正之專尚與陛下二此屬之  
專遂與陛下二則易間一難圖也執政駭且恚置

末第會南畿督學御史德清人房寰連疏詆都御史  
海瑞允成不勝憤偕同年生彭遵古諸壽賢抗疏劾  
之畧言寰妬賢醜正不復知人間羞恥事臣等自幼  
讀書卽知慕瑞以爲當代偉人寰大肆貪汙聞瑞之  
風宜愧且死反敢造言逞誣臣等所爲痛心因劾其  
欺罔七罪始寰疏出朝野多切齒而政府庇之但擬  
旨譙讓及得允成等疏謂寰已切讓不當出位妄奏  
奪三人冠帶還家省愆且令九卿約束辦事進士毋  
妄言時政南京大僕卿沈思孝上言二三年來今日  
青照堂叢書

初編

理學備考正編下

古

以建言防人明日以越職加人罪且移牒諸司約禁  
而進士觀政者復令堂官鉗束之夫禁其作奸犯科  
可也而反禁其讜言直諫教其砥行立節可也而反  
教以緘默取容此風一開流弊何極諫官避禍希寵  
不言矣庶官又不當言大臣持祿養交不言矣小臣  
又不許言萬一權奸擅朝傾危宗社陛下安從聞之  
臣歷稽先朝故事練綱鄒智孫磐張璉竝以書生建  
言未聞以爲罪獨奈何錮允成等耶疏入忤旨被責  
三人遂廢寘復詆瑞及思孝其言絕狂誕自是獲罪

清議出爲江西副使給事中張鼎思劾其奸貪寔亦  
許鼎思請寄事諸給事中不平連章攻寔寔與鼎思  
竝謫遂不復振久之南京御史陳邦科請錄用允成  
等不許巡按御史復言之詔許以教授用允成歷任  
南康保定入爲國子監博士遷禮部主事三王竝封  
制下偕同官張納陞工部主事岳元聲合疏諫曰冊  
立大典年來無敢再瀆者以奉二十一年舉行之明  
詔茲旣屆期羣臣莫不引領而元輔王錫爵星駕趣  
朝一見禮部尚書羅萬化儀制郎于孔兼卽戒之弗

青照堂叢書

初編

理學備考正編下

七五

言慨然獨任臣等實喜且慰不意陛下出禁中密札  
竟付錫爵私邸而三王竝封之議遂成卽次輔趙志  
臯張位亦不預聞夫天下事非一家私議元子封王  
祖宗以來未有此禮錫爵安得專之而陛下安得創  
之當是時光祿丞朱維京給事中王如堅疏先入帝  
震怒成極邊維京同官涂杰王學曾繼之斥爲民及  
是諫者益衆帝知不可盡斥但報遵旨行已而竟寢  
未幾吏部尚書孫鑑等以拾遺事被責允成謂閣臣  
張位實爲之上疏力詆位因及錫爵納陞亦抗章極

論并侵附執政者帝怒謫允成光州判官納陞鄧州  
判官皆乞假歸不復出歐陽東鳳字千仞潛江人年  
十四喪父哀毀骨立母病嘔血跪而食之舉於鄉縣  
令憫其貧遺以田二百畝謝不受萬歷十七年成進  
士除興化知縣大水壞堤請振於上官不應遂自疏  
於朝坐越奏停俸然竟如所請屢遷南京刑部郎中  
擢平樂知府撫諭生猺皆相親如子弟因白督學監  
司擇其俊秀者入學猺漸知禮讓稅使橫行東鳳力  
抗之以才調常州布帷瓦器胥吏不能牟一錢禽奸

青照堂叢書

初編

理學備考正編下

卷六

人劇盜且盡憲成輩講學爲建東林書院居四年謝  
事歸起山西副使擢南京太僕少卿竝辭不就卒於  
家吳炯字晉明松江華亭人萬歷十七年成進士授  
杭州推官入爲兵部主事乞假歸恬靜端介不騫榮  
利家居十二年始起故官久之進光祿丞天啟中累  
遷南京太僕卿魏忠賢私人石三畏追論炯黨庇憲  
成落職閒住崇禎初復官炯家世素封無子置義田  
以贍族人郡中貧士及諸生赴舉者多所資給嘗輸  
萬金助邊被詔旌獎納陞字以登宜興人年十六從

王畿講學舉萬歷十七年進士由刑部主事改禮部  
生平尚風節鄉邑有利害輒爲請於有司而後已東  
林書院之會納陞與焉又與同邑史孟麟吳正志爲  
麗澤大會東南人士爭赴之時與允成等同以部曹  
爭三王竝封又爭拾遺事者戶部主事滁人賈巖亦  
貶曹州判官投劾歸卒天啟中贈允成納陞光祿少  
卿巖尚寶丞諸壽賢字延之崑山人旣釋褐上疏願  
放歸田力學十年然後從政章下所司寢不奏旣斥  
歸久之起南陽教授入爲國子助教擢禮部主事戚  
里中貴干請輒拒之遭疾請告歸授徒自給久之卒

彭遵古麻城人終光祿少卿

### 忠憲高先生

先生名攀龍字存之無錫人明史列傳攀龍少讀書  
輒有志程朱之學舉萬歷十七年進士授行人四川  
僉事張世則進所著大學初義詆程朱章句請頒天  
下攀龍抗疏力駁其謬其書遂不行侍郎趙用賢都  
御史李世達被訐去位朝論多咎大學士王錫爵攀  
龍上疏曰近見朝寧之上善類擯斥一空大臣則孫

青照堂叢書

初編

理學備考正編下

七

龔李世達趙用賢去矣小臣則趙南星陳泰來顧允  
成薛敷教張納陛于孔兼賈巖斥矣邇者李禎曾乾  
亨復不安其位而乞去矣選郎孟化鯉又以推用言  
官張棟空署而逐矣夫天地生才甚難國家需才甚  
亟廢斥如此後將焉繼致使正人扼腕曲士彈冠世  
道人心何可勝慨且今陛下朝講久輟廷臣不獲望  
見顏色天言傳布雖曰聖裁隱伏之中莫測所以故  
中外羣言不曰輔臣欲除不附已則曰近侍不利用  
正人陛下深居九重亦曾有以諸臣賢否陳於左右  
而陛下於諸臣亦嘗一思其得罪之故乎果以爲皆  
由聖怒則諸臣自孟化鯉而外未聞忤旨何以皆罷  
斥卽使批鱗逆耳如董基等陛下已嘗收錄何獨於  
諸臣不然臣恐陛下有祛邪之果斷而左右反借以  
行媚嫉之私陛下有容言之盛心而臣工反遺以拒  
諫諍之誚傳之四海垂諸史冊爲聖德累不小輔臣  
王錫爵等跡其自待若愈於張居正申時行察其用  
心何以異於五十步笑百步卽如諸臣罷斥果以爲  
當然則是非邪正恒人能辨何忍坐視至尊之過舉



得毋內洩其私憤而利於斥逐之盡乎末力詆鄭材  
楊應宿讒諂宜黜應宿亦疏訐攀龍語極妄誕疏竝  
下部院議請薄罰兩臣稍示懲創帝不許鑄應宿二  
秩謫攀龍揭陽添注典史御史吳弼濟等論救并獲  
譴攀龍之官七月以事歸尋遭親喪遂不出家居垂  
三十年言者屢薦帝悉不省熹宗立起光祿丞天啓  
元年進少卿明年四月疏劾戚畹鄭養性言張差梃  
擊實養性父國泰主謀今人言籍籍咸疑養性交關  
奸宄別懷異謀積疑不解當思善全之術至劉保謀

言照堂叢書

初編

理學備考正編下  
五九

逆中官盧受主之劉于簡獄詞具在受本鄭氏私人  
而李如楨一家交關鄭氏計陷名將失地喪師于簡  
原供明言李永芳約如楨內應若崔文昇素爲鄭氏  
腹心知先帝症虛故用泄藥罪在不赦陛下僅行斥  
逐而文昇猶潛住都城宜勒養性還故里急正如楨  
文昇典刑用章國法疏入責攀龍多言然卒遣養性  
還籍孫慎行以紅丸事攻舊輔方從哲下廷議攀龍  
引春秋首惡之誅歸獄從哲給事中王志道爲從哲  
解攀龍遺書切責之尋改太常少卿疏陳務學之要

因言從哲之罪非止紅丸其最大者在交結鄭國泰國泰父子所以謀危先帝者不一始以張差之挺繼以美妹之進終以支昇之藥而從哲實左右之力扶其爲鄭氏者力鋤其不爲鄭氏者一時人心若狂但知鄭氏不知東宮此賊臣也討賊則爲陛下之孝而說者乃曰爲先帝隱諱則爲孝此大亂之道也陛下念聖母則宜選侍之罪念皇考則隆選侍之恩仁之至義之盡也而說者乃曰爲聖母隱諱則爲孝明知聖諭目爲假託忠如楊漣謗爲居功人臣避居功甘居罪君父有急袖手旁觀此大亂之道也惑於其說孝也不知其爲孝不孝也以爲大孝忠也不知其爲忠不忠也以爲大忠忠孝皆可變亂何事不可妄爲故從哲養性不容不討奈何猶令居輦轂下時從哲輩輿援甚固摘疏中不孝語激帝怒將加嚴譴葉向高力救乃奪祿一年旋改大理少卿鄒元標建書院攀龍與焉元標被攻攀龍請與同罷詔留之進太僕卿擢刑部右侍郎四年八月拜左都御史楊漣等羣擊魏忠賢勢已不兩立及向高去國魏廣微日導忠

賢爲惡而攀龍爲趙南星門生竝居要地御史崔呈  
秀按淮揚還攀龍發其穢狀南星議戍之呈秀窘急  
走忠賢所乞爲義兒遂摭謝應祥事謂攀龍黨南星  
嚴旨詰責攀龍遽引罪去頃之南京御史游鳳翔出  
爲知府訐攀龍挾私排擠詔復鳳翔故官削攀龍籍  
呈秀憾不已必欲殺之竄名李實劾周起元疏中造  
緹騎往逮攀龍晨謁宋儒楊龜山祠以文告之歸與  
二門生一弟飲後圍池上聞周順昌已就逮笑曰吾  
視死如歸今果然矣入與夫人語如平時出書二紙  
青照堂叢書  
初編 理學備考 正編下  
全  
告二孫曰明日以付官校因遣之出扃戶移時諸子  
排戶入一燈熒然則已衣冠自沈於池矣發所封紙  
乃遺表也云臣雖削奪舊爲大臣大臣受辱則辱國  
謹北向叩頭從屈平之遺則復別門人華允誠書云  
一生學問至此亦少得力時年六十五遠近聞其死  
莫不傷之呈秀憾猶未釋矯詔下其子世儒吏刑部  
坐世儒不能防閑其父謫爲徒崇禎初贈太子少保  
兵部尚書謚忠憲授世儒官初海內學者率宗王守  
仁攀龍心非之與顧憲成同講學東林書院以靜爲

主操履篤實粹然一出於正爲一時儒者之宗海內士大夫識與不識稱高顧無異詞攀龍削官之秋詔毀東林書院莊烈帝嗣位學者更修復之

真子曹先生

先生名于汴字自梁安邑人明史列傳于汴萬歷十九年舉鄉試第一明年成進士授淮南推官以治行高第授吏科給事中疏劾兩京兵部尚書田樂邢玠及雲南巡撫陳用賓樂玠遂引去吏部郎趙邦清被誣于汴疏雪之謁告歸僦屋以居不蔽風日起歷刑

青照堂叢書

初編

理學備考正編下

全一

科左右給事中朝房災請急補曠官修廢政遼左有警朝議增兵于汴言國家三歲遣使者閱邊盛獎邊臣功伐蟒衣金幣之賜官秩之增未嘗或靳今廢防至此宜重加按問邊道超擢當於秩滿時閱實其績毋徒循資俸坐取建牙開府進吏科都給事中給事中胡嘉棟發中官陳永壽兄弟奸永壽反訐嘉棟于汴極論永壽罪故事章疏入會極門中官直達之御前至是必敬視然後進御于汴謂乖祖制洩事機力請禁之三十八年典外察去留悉當明年典京察屏

湯賓尹劉國縉等而以年例出王紹徽喬應甲於外  
其黨羣起力攻于汴持之堅卒不能奪以久次擢太  
常少卿疏寢不下請告又不報候命歲餘移疾歸光  
宗立始以太常少卿召至則改大理少卿遷左僉都  
御史佐趙南星京察事竣進左副都御史天啓三年  
秋吏部缺右侍郎廷推馮從吾以于汴副中旨特用  
于汴于汴以從吾名位先已義不可越四辭不得遂  
引疾歸明年起南京右都御史辭不拜時紹徽應甲  
附魏忠賢得志必欲害于汴屬其黨石三畏以東林  
青照堂叢書

初編

理學備考正編下

全

領袖劾之遂削奪崇禎元年召拜左都御史振舉憲  
規約敕僚吏臺中肅然明年京察力汰匪類忠賢餘  
黨幾盡仕路爲清溫體仁許錢謙益下錢千秋法司  
訊不得實體仁以于汴謙益座主也并許之于汴亦  
發體仁欺罔狀帝終信體仁謙益竟獲罪先是詔定  
逆案于汴與大學士韓爌李標錢龍錫刑部尚書喬  
允升平心參決不爲已甚小人猶惡之故御史高捷  
史堯素檢邢爲清議所擯吏部尚書王永光力薦之  
故事御史起官必都察院咨取于汴惡其人久弗咨

永光憤再疏力爭已得請于汴猶以故事持之兩人遂投牒自乞于汴益惡之卒持不予兩人竟以部疏起官遂日夜謀傾于汴中書原抱奇者賈人子也嘗誣劾大學士曠至是再劾曠及于汴并及尚書孫居相侍郎程啓南府丞魏光緒目爲西黨請皆放黜以五人籍山西也帝細抱奇言不聽而工部主事陸澄源復劾于汴朋奸六罪帝雖謫澄源于汴卒謝事去及辭朝以敦大進規七年卒年七十七贈太子太保于汴篤志正學操履粹白立朝正色不阿崇獎名教

青照堂叢書

初編 理學備考正編下

卷四

有古大臣風

忠節呂先生

先生名維祺字介孺新安人明史列傳維祺祖母牛氏以守節被旌父孔學事母孝捐粟千二百石振饑兩旌孝義維祺舉萬歷四十一年進士授兗州推官擢吏部主事更歷四司光宗崩皇長子未踐阼內侍導幸小南城維祺謁見慈慶宮言梓宮在殯乘輿不得輕動乃止天啓初歷考功文選員外郎進驗封郎中告歸開封建魏忠賢生祠遺書士大夫戒勿預忠

賢毀天下書院維祺立芝泉講會祀伊洛七賢崇禎  
元年起尚寶卿遷太常少卿督四夷館明年四月廷  
議軍餉維祺陳奏十五事其冬奏防微八事言陛下  
初勤批答今或留中留中多則疑慮起當防一初虛  
懷商榷及擬旨一不當改擬徑行豈無當執奏當防  
二初無疑厭疑厭諸臣自取今且共夔並進當防三  
初日御講筵今始傳免當防四初寡嗜慾慎宴游今  
或偶涉當防五初慎刑獄今有下詔獄者且登聞鼓  
擊恐長讜訟風當防六初重廷推今閒用陪非常典  
青照堂叢書  
初編 理學備考 正編下 金

當防七初樂讜言今或譴訶時及當防八帝優旨報  
之三年擢南京戶部右侍郎總督糧儲設會計簿鈎  
考隱沒侵欺及積逋不輸各數十百萬大者彈奏小  
者捕治立法嚴督屯課倉庾漸充條上六議曰稽出  
入以杜侵漁增比較以完積案設本科以重題覆時  
會計以覈支收定差序以杜營私禁差假以修職業  
帝稱善卽行之六年拜南京兵部尚書參贊機務清  
冒伍八千餘名請申飭江防鳳陵單外爲憂弗省八  
年正月賊犯江北遣參將薛邦臣防全椒趙世臣成

蒲口世臣潰走南京震動鳳陽亦旋告陷大計拾遺  
言官復劾他事遂除名時維祺父孔學避賊洛陽維  
祺乃歸留洛立伊洛會及門二百餘人著孝經本義  
成上之十二年洛陽大饑維祺勸福王常洵散財餉  
士以振人心王不省乃盡出私廩設局振濟事聞復  
官然饑民多從賊者河南賊復大熾無何李自成大  
舉來攻維祺分守洛陽北城夜半總兵王紹禹之軍  
有騎而馳者周呼於城上城外亦呼而應之於是城  
陷賊有識維祺者曰子非振饑呂尚書乎我能活爾

青照堂叢書

初編

理學備考正編下

卷六

爾可以間去維祺弗應賊擁維祺去時福王常洵匿  
民舍中賊跡而執之遇維祺於道維祺反接望見王  
呼曰王綱常至重等死耳毋屈膝於賊王瞠不語見  
賊渠於周公廟按其項使跪不屈延頸就刃而死時  
十四年之正月某日也維祺年五十有五贈太子少  
保祭葬廕子如制而維祺之家在新安者十六年城  
陷家亦破弟維祐字泰孺由選貢生爲樂平知縣者  
也至是解職歸亦抗節死贈按察僉事福王立南京  
加贈維祺太傅諡忠節



幾亭陳先生

先生名龍正字惕龍嘉善人明史列傳龍正父子玉福建按察使龍正遊高攀龍門崇禎七年成進士授中書舍人時政尚綜覈中外爭爲深文以避罪東廠緝事尤寃濫十一年五月熒惑守心下詔修省有哀懇上帝語龍正讀之泣上養和好生二疏畧曰回天在好生好生無過滅死臯陶贊舜曰罪疑惟輕是聖人於折獄不能無失也蓋獄情至隱人命至重故不貴專信而取兼疑不務必得而甘或失臣居家所見

青照堂叢書

初編

理學備考正編下

卷

聞四方罪犯無甚窮凶奇謀者及來京師此等乃無虛月且罪案一成立就誅磔亦宜有所懲戒何犯者若此纍纍臣願陛下懷帝舜之疑寧使聖主有過仁之舉臣下獲不經之愆蓋陰指東廠事也越數日果諭提督中官王之心不得輕視人命云其冬京師戒嚴詔廷臣舉堪任督撫者御史葉紹闈舉龍正久之刑部主事趙奕昌請訪求天下真賢才帝令奕昌自舉亦以龍正對帝皆不用龍正居冷曹好言事十二年十月彗星見是歲冬至大雷雷雨雹十三年二月

京師大風天黃日晡淡旬不解龍正皆應詔條奏大  
指在聽言省刑十五年夏帝復下詔求言云拯困蹇  
殘不知何道龍正上言拯困蹇殘以生財爲本但財  
非折色之謂以折色爲財則取於人而易盡必知本  
色爲財則生於地而不窮今持籌之臣曰設處曰搜  
括曰加派皆損下之事聚斂之別名也民日病國奚  
由足臣謂宜專意墾荒申明累朝永不起科之制招  
集南人巨賈盡墾荒田使畿輔河南山東菽粟日多  
則京倉之積邊軍之餉皆可隨宜取給或平糶或拜  
青照堂叢書

初編 理學備考 正編下 兌

爵或中監國家命脉不專倚數千里外之轉運則民  
間加派自可盡除然是時中原多殘破有田不得耕  
龍正執常理而已翌日復進用人探本疏帝皆優容  
焉給事中黃雲師劾其學非而博言僞而辯又以進  
墾荒議爲陵競帝不問時議欲用龍正爲吏部御史  
黃澍以僞學試之十七年正月左遷南京國子監丞  
甫抵家而京師陷福王立於南京用爲祠祭員外郎  
不就南京不守龍正已得疾遂卒按龍正學言理醇  
而文精范彪西謂作語錄當以先生爲法

忠節鹿先生

先生名善繼字伯順定興人明史列傳善繼祖久徵萬歷中進士授息縣知縣時詔天下度田各署上下壤息獨以下田報曰度田以紓民乃病民乎調襄垣擢御史以言事謫澤州判官遷榮澤知縣未任而卒父正苦節自礪縣令某欲見之方糞田投鏞而往急人之難傾其家不惜遠近稱鹿太公善繼端方謹愨由萬歷四十一年進士授戶部主事內艱除起故官遼左餉中絕廷臣數請發帑不報會廣東進金花

青照堂叢書

初編

理學備考正編

允

銀善繼稽舊制金花貯庫備各邊應用乃奏記尚書李汝華曰與其請不發之帑何如留未進之金汝華然之帝怒奪善繼俸一年趣補進善繼持不可以死爭乃奪汝華俸二月降善繼一級調外汝華懼卒補銀進泰昌改元復原官典新餉連疏請帑百萬不報天啓元年遼陽陷以才改兵部職方主事大學士孫承宗理兵部事推心任之及闕視關門以善繼從出督師復表爲贊書布衣羸馬出入亭障間延見將卒相勞苦拓地四百里收復城堡數十承宗倚之若左

右手在關四年累進員外郎郎中承宗謝事善繼亦告歸先是楊左之獄起魏大中子學伊左光斗弟光明先後投鹿太公家太公容之與所善義士容城舉人孫奇逢謀持書走關門告其難於承宗承宗善繼謀借巡視薊門請入覲奄黨大譁謂閣部將提兵清君側嚴旨阻之獄益急五日一追賊擄掠甚酷太公急募得數百金輸之而兩人者則皆已斃矣至是善繼歸而周順昌之獄又起順昌善繼同年生善繼又爲募得數百金入而順昌又斃奄黨居近善繼家

青照堂叢書

初編

理學備考正編下

卒

難家子弟僕從相望於道太公曰吾不懼也崇禎元年逆璫旣誅善繼起尚寶卿遷太常少卿管光祿丞事再請歸九年七月

太清兵攻定興善繼家在江村白太公請入扞城太公許之與里居知州薛一鶚等共守守六日而城破善繼死家人奔告太公太公曰嗟乎吾兒素以身許國今果死吾復何憾事聞贈善繼大理卿諡忠節敕有司建祠子化麟舉天啓元年鄉試第一伏闕訟父忠踰年亦卒薛一鶚字百當由貢生爲黃州通判荆

王姬誣他姬醜世子一鶚白其誣奄人傳太妃命欲  
竟其獄卒直之遷蘭州知州州北有田沒於番吏派  
其賦於他尸後田復歸爲衛卒所據而民出賦三十  
年一鶚核除其害至是佐善繼城守遂同死

陶菴黃先生

先生名淳耀字蘊生嘉定人明史儒林傳淳耀爲諸  
生時深疾科舉文浮靡淫麗乃原本六經一出以典  
雅名士爭務聲利獨澹漠自甘不事徵逐崇禎十六  
年成進士歸益研經籍繻袍糲食蕭然一室京師陷

青照堂叢書

初編

理學備考正編下

五

福王立南都諸進士悉授官淳耀獨不赴選及南都  
亡嘉定亦破愾然太息借弟淵耀入僧舍將自盡僧  
曰公未服官可無死淳耀曰城亡與亡豈以出處貳  
心乃索筆書曰卯光元年七月二十四日進士黃淳  
耀自裁於城西僧舍嗚呼進不能宣力王朝退不能  
潔身自隱讀書寡益學道無成耿耿不寐此心而已  
遂與淵耀相對縊死年四十有一淳耀弱冠卽著自  
監錄知過錄有志聖賢之學後爲日歷畫之所爲夜  
必書之凡語言得失念慮純雜無不備識用自省改

晚而充養和粹造詣益深所作詩古文悉軌先正卓  
然名家有陶菴集十五卷其門人私謚之曰貞文淵  
耀字偉恭諸生好學敦行如其兄

天齋辛先生

先生名全字復元山西絳州人崇禎乙亥貢士丙子  
奉旨保舉知府未任卒享年僅四十有九其學于宋  
專宗考亭于明專宗河津集明理學置陽明於待入  
之列嘗改陽明無善無惡者心之體有善有惡者意  
之動知善知惡是良知為善去惡是格物四語曰有

青照堂叢書

初編

理學備考正編下  
卷一

善無惡者心之體有善有惡者意之動知善知惡是  
良知求知善知惡是格致存善去惡是誠意又嘗曰吾  
學自有所受論心不雜佛老論政不道申韓論文不  
習班馬孔孟門中自作主宰著有論語說孟子說養  
心錄心譜經世石畫諸書學者稱文敬先生

竹溪范先生

先生名宏嗣字耀昆山西洪洞人萬歷壬子副榜崇  
禎戊辰貢士官德州通判陞湖廣都察院經歷致仕  
崇禎丙子奉旨起知縣辭歸講學教人專心讀書身

體力行不急急語言文字所言皆布帛菽粟嘗曰世間除非人類不可化誨若具人體衣人衣食人食誰不願爲天地間好人幼而父兄教之壯而師友成之老而禮義維之今日能爲好人異日必爲好官能爲天下第一等人更勝爲天下第一等官著有人鏡三晉正學編晉國垂棘孝友集聰聖志雜俎諸書年七十餘沒學者稱正學先生

楊園張先生

先生名履祥字考夫一字念芝桐鄉諸生生明季早

青照堂叢書

初編

理學備考正編下

奎

向道初聞山陰劉念臺先生爲海內學者所宗往受業於門既歸專肆力於孔孟程朱之書識日益精學日益大德業日益純大抵生平以切實爲己爲務庸言庸行慥慥不息間有所論皆關係社稷蒼生之至計陸稼書曰張考夫極稱實錄譏陽明警敏機械之言謂當時士大夫固多識者其論陽明比子更嚴又曰考夫雖師念臺而不盡從其學考夫之於念臺猶朱子之於籍溪屏山白水非延平比也朱止泉曰張考夫三十四歲見劉蕺山忠端公悅其語錄已而証

諸朱子與湖南諸公歸於思不出位莊敬持養誦讀  
有課程體驗有矩矱日用之間無非聖賢精義蘊爲  
思慮而見於動作也著有備忘錄經正錄近古錄見  
聞錄願學記訓子語喪祭雜說農書諸編

清  
復齋王先生

先生初名建侯後改建常字仲復號復齋朝邑人明  
發挺擊案贈刑待之案從子父之寵鎮撫散官生先  
生十歲見背三歲已失母事繼母以孝聞年二十爲  
諸生學使汪喬年歲試取第一食餼三十時乃棄去

青照堂叢書

初編 理學備考正編下  
卷四

銳意聖學閉戶讀書凡六經子史濂洛關閩之書無  
不詳究家貧常不舉火而泰然自得造次必於禮吳  
縣顧寧人寓華下慕之數以疑義相質富平李子德  
因篤華陰王山史宏撰數稱其名於當道作書責之  
學使許孫荃造廬持金幣爲壽不受贈以詩請和亦  
不答題其門曰真隱同里張讓伯柵成進士始受業  
爲弟子其學以主敬存誠爲功窮理守道爲務所著  
書皆端楷細字有大學直解一卷兩論輯說十卷詩  
經會編五卷尚書要義六卷春秋要義 四卷小學  
句讀六卷



文貞李先生

門人楊賓實附

先生名光地字厚菴號榕村清溪人人稱安溪先生  
早歲志道由進士官大學士事業爲一代偉人終身  
沈潛卷籍而自得於心箋疏六經各自成書其論學  
有曰學之大綱凡三存實心明實理行實事又曰學  
者畜也畜者聚也子曰多識前言往行以畜其德傅  
說曰人求多聞學于古訓乃有獲孫志務時敏厥修  
乃來念終始典于學厥德修罔覺古之言學者如是  
何近世之異也豈非釋老之餘酷乎又曰敬爲知行

青照堂叢書

初編

理學備考正編下

卷四

之要先儒言靜不在敬之外外敬言靜者其放於寂  
乎知止而後有定定而後能靜是靜之本主一無適  
靜在其中矣觀先生之言知先生學術之醇故學者  
翕然師宗之皆以爲安溪先生今之程朱也其孫侍  
讀清植梓其書凡四十二種門下多著聞人得正傳  
者楊賓實先生爲最先生名名時先世出關西後徙  
江陰先生由翰林官至禮部尚書言動措施一不外  
於孔孟嘗以事被譴人懼且不測而先生搆殘火治  
詩禮如平時文貞薦以爲第一流人卒贈大子大傅

魏環溪先生

先生名象樞字環極蔚州人官刑部尚書諡敏果每與孫徵君鍾元辨論理要初未識陸稼夫嘗劾之已復舉爲御史上疏多闕憲典范彪西對

聖祖言先生與于北溟皆本朝理學觀其與同年張伯珩書云足下位居大僚宦成而歸移風易俗是分內所當爲然必有事焉以修德爲體以講學爲用以徙義改過爲工夫可以擴充德性可以維挽人心可以愛惜光陰可以啟發後學以此答天地之生成青照堂叢書初編理學備考正編下卷

青照堂叢書

初編

理學備考正編下

卷

酬君父之知遇報祖宗之培植謝友朋之期望足知其學行矣著有寒松堂集

北溟于先生

先生名成龍山西永寧人康熙己卯副貢先生素以帖括無益經濟遂專精經史之學于程朱源流尤多發明爲諸生時已負大儒之望初授羅城令以清介聞歷陞黃州郡丞值麻城賊勢甚張有司惶懼議會兵勤之先生獨慨然曰皆吾赤子也賊不過數人耳奈何因數人而殺千萬人宜撫不宜勤因單騎直造

賊壘責以大義賊皆投弋呼曰于青天至我輩尚忍  
反乎皆就撫東山之亂先生則率義勇衝鋒力戰擒  
其巨魁餘黨悉平由是朝野欽爲異人及湖南干弋  
旣息招集哀鴻使安吟隲供億軍旅不致騷騷旣歷  
試大藩若楚若閩若燕悉稱 上旨撫直隸一時有  
包孝肅海忠介之稱節制兩江貪墨望風解印豪強  
梗化者徙境外奢侈僭踰者皆屏跡其戒餽贖禁加  
派輕火耗嚴保甲懲奸拐清營伍防蠹役剔闕政平  
鹽價種種良法皆在人耳目而於多士則純以愛養  
青照堂叢書

初編

理學備考 正編下  
卷六

爲心設立書院訓諸生以品行爲先卒之日士民若  
喪父母男婦童叟皆入署哀臨先生周身布被一牀  
而已所在皆建祠以祀討聞 賜祭葬諡清端 上  
親撰文以表神道毛鶴舫曰公始仕羅羅烟瘴雜狃  
犇苦甚僕從皆死散公亦幾斃堅忍與民休息卒獲  
卓異麻城賊本妖人黃金龍匿劉君孚家聚衆已十  
萬先生往諭入門大呼曰太守來活爾山中人君孚  
避匿責之曰老奴豈有客至不設酒者君孚見泣訴  
盡降後獲金龍斬之平東山則勵諸生吏卒鄉民擒

何士榮等餘名籍悉焚之按察閩中叛逆新定下令  
募贖難民小兒女不能歸者養之署中公退食爭索  
果餌爲笑樂及長皆遣歸在兩江雖大位猶數微行  
諸豪見白髯偉軀者輒疑公公益自刻苦有于青菜  
之謠其歷任發奸伏尤如神黃州大盜窟宅野廟中  
公敝衣願入伍癯姓名曰楊二旬日盡得其狀俱擒  
之賊至見狀皆驚服公酌酒飲之曰念廟中一日之  
歡與訣別免刑汝昇棺至皆活埋之又營弁有弟夙  
無賴適遠歸而是夜軍餉盡劫執弟首拷掠誣服連  
青照堂叢書  
初編 理學備考 正編下 九七

引十餘人問賊皆曰糜費已罄公謁撫軍曰數千金  
不應遽盡撫軍委更鞠公秘其事越二日引衆囚盡  
釋之見撫軍曰前盜非真因指麾下一校曰是盜窩  
餘盜進香木蘭山行且就縛亡何縛盜至訊賊果獲  
之校家封識尚如故子按先生以識胆輔其忠勤廉  
介百鍊之金已成於羅城爲令時實早成於讀書時  
閱政書八卷固皆理學之實用也

婁山范先生

先生名鄣鼎字彪西山西洪洞人竹溪先生孫也康

熙辛丑進士以奉母卹未應殿試丁未始試三甲需  
次知縣然受祖訓兼得辛文敬之傳又以待母不急  
急任進戊午名試鴻博辭弗赴曰杜門理性命之業  
署其齋曰聖人可學而至闕希賢書院訂期講學四  
方從遊者甚衆康熙四十二年 聖駕西巡過洪洞  
召見 賜山林雲鶴四字一時大臣留贈甚多先生  
終身布衣礪食而砥行於鄉每冬施布施炭遇歉施  
粥米族姻多賴以舉火有事鄉黨依爲保障又嘗增  
邑庠學田四十二畝並增隣邑趙城岳陽學田各十  
餘畝本里義田六十畝多刻勸善文警醒愚頑其著  
述最留意者明儒理學備考廣理學備考宗薛胡而  
閩王陳邑大姓爲助刻之後遂得呈 御覽其卒也  
門人私謚文介先生

榕門陳先生

先生名宏謀廣西林桂人歷官兩粵及東吳總制所  
至虛心勤政尤以振興書院教士爲急撫陝西時延  
孫酉峯主講書院日與講四子書孫酉峯稱之曰先  
生隨地講學不爲高論每就科舉制義引後進漸入

青照堂叢書

初編

理學備考正編

卷

程朱之門於四子書融會註意往往得間而入闡發盡致又以平日閱歷有得者與書旨相印証嘗言理必體之於身後可得之於心真讀書人無處非讀書之地無時不受讀書之益此皆自驗語也先生所著有四書題解所輯有四書考四種遺規所選有斯文精粹諸編皆學者切要之書

西峯孫先生

先生名景烈字孟揚武功人學者稱西峯先生爲諸生時入院試有公役無禮於一生不可堪先生從旁

青照堂叢書

初編

理學備考正編下

卷

觀大怒遽毆之援以見督學督學察其意氣非常人勅責役好慰先生先生成進士授檢討告歸惟以講學爲事先後主講蘭山明道關中諸書院而關中書院爲最久先輩如崔虞村陳榕門兩中丞皆重之督學楊梅似謂關中一時人才濟濟尤以先生爲當世無雙類就函丈質業夏日見之至不敢搖扉先生教人專心小學四子書講四子書又恪守考亭註而析理之細直窮牛毛繭絲多發人所未發如講中庸天命之謂性謂天命善不命惡講論語三讓章注大玉

因有翦商之志謂人疑此由看得志字小講四勿章  
復禮禮字卽爲國以禮之禮其說之洞澈多如此爲  
制藝似西江而精密則自成一子爲古文似廬陵有  
逸氣著有蘭山明道關中諸書院講義課解康對山  
武功志注刪定對山集郃陽縣志成就關中人士甚  
衆各以其才嘗曰吾門治古文之學者有韓城某某  
雒南某某治義理之學者則有臨潼某某云

07183

青照堂叢書

初編

理學備考正編下

一百



